

**SIXTH SITTING ON THURSDAY, THE 16<sup>TH</sup> MARCH, 2006**  
(Time 10:30 AM to 1:00 PM and 2:00 PM to 4:00 PM)

**MEMBERS PRESENT**

1. PU LALCHAMLIANA, Speaker at the Chair, Pu Zoramthanga, Chief Minister, Deputy Speaker, 12 Ministers and 24 members were present.

**QUESTIONS**

2. QUESTIONS entered in separate list to be asked and oral answers given.

**LAYING OF PAPERS**

3. PU H. VANLALAUVA to lay on the Table of the House a copy of :
  - (1) "The Aizawl Development (Master Plan and Zonal Development Plan) Rules, 2005".
  - (2) "The Aizawl Development Authority Rules, 2005".

**PRESENTATION OF REPORTS**

4. PU R. LALZIRLIANA to present to the House :-
  - (1) Seventeenth Action Taken Report of Public Accounts Committee relating to Power & Electricity Department, Government of Mizoram.
  - (2) Eighteenth Action Taken Report of Public Accounts Committee relating to Rural Development Department, Government of Mizoram.
5. PU H. LIANSILOVA to present to the House the First Report of Subject Committee - IV (2006-2007)

**LEGISLATIVE BUSINESS**

**Bill for introduction, consideration and passing**

6. Dr. LALZAMA to beg leave of the House to introduce "The Institute of Chartered Financial Analysts of India University (Mizoram) Bill, 2006".

**ALSO**

to introduce the Bill  
to move that the Bill be taken into consideration  
And  
to move that the Bill be passed.

S P E A K E R

: 'Thu tha lo reng in ka an chhuak suh se, a tulzia ang zela siam tha turin thu tha apiang chhuak zawk rawh se, a ngaithlatute tan khawngaihna a lo nih theih nan'.

Ephesi 4:29.

Zawhna kan la nghal ang a, Starred Question 46-na zawt turin Pu R. Lalzirliana i lo sawm ang.

PU R. LALZIRLIANA

: Pu Speaker, ka lawm e. School Education changtu Minister zahawm tak chhan atan - (a) Middle School leh Primary School a thutthleng leh dawhkan sorkar lamin a pek thin hi pakhat cheng engzatnge? (b) Kumin financial year chhungah hian School engzatah nge pek a nih a, cheng engzat man nge? tih ka zawt e.

S P E A K E R

: A chhang turin School Education Minister zahawm tak Dr. R. Lalthangliana i lo sawm ang.

Dr. R. LALTHANGLIANA  
MINISTER

: Pu Speaker, kan Member zahawm tak Pu R. Lalzirliana zawhna chhanna pakhatna chu - School thutthleng leh dawhkan pair khat man hi Rs. 1300/- zel a ni. (b) chhanna chu kumin Financial Year chhung hian School 194-ah pek a ni tawh a. A vaia sum sen tawh chu maaih Rs. 61,62,800/- a ni e. (SPEAKER: Pu R. Lalzirliana).

PU R. LALZIRLIANA

: Pu Speaker, kan zawhna chhanna hi ka zinna thingthlang khaw thenkhatah School-ahte kan lennaah an hman tangkai mang lohte ka hmu deuh nual a. Chu chu tun hnuah chuan a hmang tangkaitu turte hnenah nge pek ni tawh sela, a tha lawm ni? ka ti a. Chutiang tur chuanin a mamawhte chauh hnenah khan pek turin kan ti thei tawh ang em? tih kha ka zawt duh a, chutiang anih loh chuan sum siam nana hman satliah ang reng deuhah khanin a zu puh theih a, khalaiia kha a tha loin ka hria a, a mamawhte hnenah chauh pek tawh ni sela.

Tin, pahnihnaah chuan hei Education Volunteer Post hi 220 lai awm hriat a ni a, teacher lak tur hi hetah hianin pre-service teacher training hi 100 dawn lai kan nei tawh a, churang chuan training ni lo engemaw mi duhsak zawng leh khatiang ang ringawta lak thinah hian education hi kan hmalakna tha kan ti tak tak a, zirtirtute "The back of the nation" in ni e kan ti a, teachers day-ah te kan fak vak vak a. Amaherawhchu, a zirtirtu tha tur tak tak a kha kan la lo thin niin ka hria. A chhan chu sum leh pai renchemna atan pawh training leh ngai chuang miah lo a ni a, hengho hi a thlan theih em? tih kha ka han zawt duh a. Tin, a pathumnaah chuan S.S.A chungchangah hian kum 2001-2002 ah khan 432 lakhs leh 56,000/- lai kan State Share ve tur kan pek loh avanga kan chan tawh a. Kum 2003-ah nuai 708,87,000/- kum 2004-ah nuai 11,82,37,000/- kum 2005-ah nuai 2,02,20,000/- chuti lai chu kan chan tawh a, a va phei chuan nuai 25,21,06,000/- lai a ni a kan chan hi. Chuvangin, tuna kan sawi ang khan kan zirlaite hi ram leh hnam tana chhenfakawm khawpa chher tur chuan Education Department hi kan ngaih pawimawh a ngai a. Kan ngai pawimawh lo deuh ni hian ka hre deuh tlat mai a. Hei hi kan State Share hi a tam pawh a ni lova, hetiang kan pek theih loh reng mai kuminah hian engnge kan dinhmun tur, kan pe thei ngei dawn em? tih ka zawt tel a ni. Pu Speaker, ka lawm e.

**PU LALRINLIANA SAILO**

Pu Speaker, ka lawm e. Zawhbelhna. Zirtirtu Graduate a condone ho kha pawisa kha pek niin kan hria a, pek dan a inanglo nuaih mai hi

engnge a awmzia hei tam tak a awm a. A in an loh zualna lai ka han tarlang lawk ang e.

P. C. Thannguri, Bungkawn Primary School chuan Rs. 75,000/- a la niin ka hria a. Pu H. S. Sangzuala chuan Rs.60000/- a la a. Hetiang hi mi tam tak an awm a. Chutih laiin Rs. 3,000/- vel la hi an awm nual mai bawk a. Kha kha engnge a awmzia. Rs. 20,000/- la te, Rs. 4,000/- la te Rs. 3,000/- chuah te Rs. 60,000/- la te khatiang anga inthlau lutuk kha engnge a awmzia, tih ka han zawt duh a.

Tin, a pahnihnaah chuan, nikuma Hindi Teacher lakna tura pawisa April ni khata approval awm tawh kha a ni a. Kha kha khawiahnge tunah hian a awm a, engtingge sorkarin kha thil kha a tih a, khawiah nge a dah? Engzat chiah nge annih tih kha ka han zawt duh a ni.

**PU ANDREW LALHERLIANA**

Pu Speaker, ka lawm e. Hindi Teacher lak chungchang thu kha ka han zawt belh ve duh a. Kan Minister zahawm tak chhan atan.

500 vel la lak tur khan tun January ni 13<sup>th</sup> vel atang khan interview-na neih ni khan a hriat a. V/C inthlan zavhah result tih chhuah a, appointment pek mai tur anga sawi rik si kha tunah hian la pe ta lo hian written test a ngai leh e, tihte pawh kha sawi rik a ngai leh a. Mahse, khang lo interview tawhte kha an ngaih a thalo hle mai a. Merrit Post a la lo hian a party hi a inrawlh leh ta ami tih hlauhthawna a awm avang khan, kha kha engtikah nge a chhuah ang a, merrit list ang tala tih chhuah theih ani ang em? Tin, thingtlang lama lo thawk tawh te an awm a appointment nghet lovin, khatianga lo thawk sil tawh te a bik takin an khuua appointment awm turah te chuan a duhsak theih lawm ni, tih kha kan zawt tel bawk a ni.

**Dr. R. LALTHANGLIANA  
MINISTER**

Pu Speaker, a in kar a kik khawp mai a, amarawhchu, a chhan theih dan in chhan kan tum ang a.

Thutthleng chungchangah hian kan tih dawn hian thil pakhat chu V/C kan din vek a, School tinah khang ho khan anmahni Village chhung a School mamawh te kha fel takin an rawn ti thlap a, kan Deputy Commissioner Chairman na hnuaia District Committee ah heng hi an rawn theh khawm a, chutianga requirement chhut chhuak a under hi siam kan ni tih kha ka sawi duh a ni. Engpawhnise, School Building te pawh kan sa tha nasa em em a, chumi rual chuan School furniture hi kum 20 chuang tawh atang khan a engamah hi sorkar hian a ti ta lo reng reng mai a, chuvang chuan SSA hi hmang tangkai ila teaching fund atang hianin la mai ila tih hi Village Education Committee tam tak duh dan anih avangin he thil hi kan ti a tangkai taka hman pawh kan beisei a, chu chu ka chhanna ani a.

Tin, Education Volunteer cheng 2800/- hlawh tur ang chi 220 lak tura kan buatsaih mek angah hi chuan thil a kal chho lak zel a ni. Chumi rual chuan Pre Service Training chungchangah chuan Association te an lo awm ve Education Volunteer a hi zirtirtu hming pawh kan put tir lova, a khaw mi chauh lak tura tih a nih avang hian Pre-service Training ho kha a lak ngawt theih loh dan kha a awm tlak mai a. Mahse, entirman Mauchar ah lo la dawn ta ila khalaiyah khan Pre-service Training alo awm chuan kan thlang ngeiin ka ring a, mahse, a awm silohna khuuah a khawmi ngei lak tur anih avangin a tih ngawt theih loh a ni tih kha kan sawi duh a, chumi rual chuan sorkarin a khawmi chauh lak tura decision a siam ang chi nilo zirtirtu kan lakna tur ang chi ala awm leh tura ngai ila chungah erawh chun kan Pre-service Training hi dah thei turah pawh beiseina kan neiin ka ring a. Chu chu kan chhanna ni ta mai sela kan member tam takin a bik in thingtlang bialtu ah, a bik takin thingtlang bialtu a Primary Teacher transfer chhuahte an tam em em a, zirtirtu indaihlo te kan sawi nasa a, Single Teacher te, naupang 40 awm naah zirtirtu pahnih emaw lek awmnaah School tam tak kan neih avangin a khawmi chauh la ila an awm nghet bawk a nga, transfer an dil lo bawk a nga, Principle leh Policy neiin sorkarin a kalpui anih avangin Pre-service Training bik kha helaiyah hian kan accommodate thei lova, mahse, a ruahna khuuah training chhuak an awm anih erawh chuan ngaih pawimawhah kan nei ang tih kha ka chhanna ni sela.

Tin, SSA Matching Share kan neihloh thin avangin kum engemaw zat chhung cheng nuai sang engemaw zat kan hlawh tawh ani tih a kha a dikna lai a awm a. A zat chiah hi ka hre lova 25 crore bawr vel chu a ni mai thei. Tin, hei hi Mizoram chauh pawh a ni bik lova, State dang pawhin harsatna an tawk nasa em em mai a. Hmarchhak State puite phei chuan keini aia tam mah mah State Matching Share an pek theihloh avang hianin an hlawh kha a awm ve tho mai a, churangin State sorkarin 25% kan tum tur Central in 75% an tum tur tih hi a luhai thlak hle mai a. Mahse, vanneih thlak takin Financial Year kum tawp dawn hnaiah nikum engemaw lai khan India hmarchhak State a hei kan Chief Minister pawhin nasa takin hei chungchangah hian hma min lak pui a. Hmarchhak State Sikkim tiamin pariat (8) kan nih chu, tin, Education Minister ho khan engemaw zat Prime Minister leh Union Minister hnenah lehka kan pe thla a, resolution kan pass a, kan nawr bawk a, chumi avang pawh chu a nih ka ring a, Prime Minister in Meeting vawithum hemi chungchangah hian ama Office atangin a ko va, tichuan thil lawmawm tak mai kan hmu dawn ta a. India hmarchhak State pariat hian 25.1 kan tum thin kha tum tawh lovin 10% chauh in tum ang a, za a 15 in Share tur hi Doner Ministry in tum sak tur a ni tiin thutlukna an siam tawh a. Hun reilo te, tun thla chhung hian an peih hman tawh ka ring a. Chumi bill relief-na State 8 tana min tihsakna ringawt chu nuai 9000 lai kuminah a ni dawn nghe nghe a. Churang chuan kumin kum thar lo awm turah hi chuan za a 10 chauh kan next na tur State Share anih dawn tak avang hian harsatna lian tak kan tawh loh ka beisei a ni tih kha ka chhanna ni ta sela, a tha awm e.

Tin, zirtirtu condone tih kha ka lo in ring vak lova, arrear pek chungchang inthlau deuh tih Pu Rina zawhna kha. Arrear hi pek loh kan la ngah ngawt mai, a hrim hrimin vawiina kan zawhna ah pawh hian a awm nghe nghe a, kan chhang hman ang emaw. Engpawhnise, ka n pek dan in anglo kha, chutiangan ka chhang thei mai lova. Engpawh nise, pek theih loh tam tak kan la nei a ni. Sum lam kan la indaih loh avangin tih kha ka chhanna nisela. Pek zat in ang tura ngaih si pek in ang lo a lo awm anih chuan kan lo en dawn nia.

Tin, chuloah chuan Hindi Teacher chungchanga kan member zahawm tak Pu Andrew a zawhna kha hei kan vannei khawp mai a Pu Speaker, kumin hian kan Mizoram State hianin thil danglam tak kan tawng chho va. Primary School ah hian Hindi zirna kan nei thei chho tan dawn ta a. India ram State tam takah an neih theih loh laiin. Mizoram hi hei kan Chief Minister te nen pawh nasa takin khulajiah kan sawi a. Tan min lak pui nasa em em a. Vanneih thlak deuh maiin Primary School ah Hindi zirtirtu la in Hindi zirna kan ti thei tur hi a lawmawm ka ti khawp mai a. Hei hi Central Sorkarin CSS Hindi Teacher kan tih Head atanga min rawn pek kha a ni a. Mizoram Primary School zawng zawng hi District Council pathum tiamin 1187 kan nei a. Tichuan, a hmasa 1<sup>st</sup> instalment atan hian Zirtirtu 500 kan pe phawt che u a, hemi recruitment hi han zo ula, a bak 687 hi kan sanction leh nghal ang che u tiin thu ka in dah a. Kan lawm khawp a. An hlawh tur pawh hi Rs. 6900/- a ni dawn a. Chu chu tlem lai deuh khan interview ka nei zo tawh a. Amaherawhchu, tun hnaiah hian kan lak dan chungchangah interview hi a tha a, amaherawhchu, Written Test hi nei ve ta ula, duhthusam chu a va ni em min han ti nghe nghe a, Central sorkar lam khan. Churang chuan tun thla ni 31 hian Primary School a

Hindi Zirtirtu tur interview zawng zawng te kha a bo a bang awm lovin mahni District a Interview na theuhah khan Written Test turin ka in buatsaih mek a. Chutiang anih chuan Merit List takin a kal theih pawh kan beisei ani. Helaiah hian ngaihthat lohna tur a awm ka ring lova.

Zirtirtu danglam bikna hi Hindi chu a pangngai General Teaching Line nen a inang lova. Tawngtheih viau si, ziak theih miah loh, kha kha zirtirtu ah chuan an tlak dawn lova. Khatiang kha an qualify thei dawn lo va. Chuvangin, a tha thawkhat turah kan ngai. Kumin chung hian zirtirtu Primary Hindi Teacher 187 nei thei turah kan inngai a. Hemi kan nei thei anih chuan India ram State tam taka Hindi Primary zirna neilo an awm laiin kan nei bik dawn a. Hei hi thil lawmawm tak ani. A lak dan chungchangah chuan Procedure kan zawh tura kha kan la zo lo ani. Tun thla tawp lampangah kan zawh theih kan beisei.

(Interview na neih tawh kha cancel leh tihna ami?).

Nilo e, Interview kha chu a kal tawh a. Mahse, Interview bakah khan Written Exam kha District tinah kan nei dawn ani. Tun Financial Year ral hma hian.

**S P E A K E R** : Starred Question No. 47-na zawt turin Pu Lalduhoma i sawm ang.

**PU LALDUHOMA** : Pu Speaker, Agriculture Department changtu, Minister zahawm tak chhan atan ka zawlna te -  
(a) S. Zote ram chhunga Thuhruk lui khuah nan engzatnge sorkarin sum a ruahman? (b) He sum hi Thuhruk lui khuah nan hmang lovin Tuiarchanglui khuah nan hman zawk a ni ta em? (c) He tuikhuah hi Contractor hmanga thawh ani em? (d) Anih chuan Contractor chu tunge?

**PU H. RAMMAWI MINISTER** : Pu Speaker, (a) Chhanna kha Zote ram chhunga Thuhruk lui khuah nan Rs. 4,13,000 ruahman ani. He sum hi Thuhruk lui fintu Tuiarchanglui khuah nan hman ani. (c) He tuikhuah hi (tuikhuah tih tawngkam kan hmang mai a, a Appropriate ber pawhin a lang a). Departmental work a thawh ani. (d)-na chhanna chu He tuikhuah hi Departmental works a thawh anih avangin Contractor rawih a ni lo tih ka chhanna a ni e.

**PU LALDUHOMA** : Pu Speaker, Thuhruk luidungah hian lei leta siam tur tam tak a awm a. Hei hian Mat phai pawh a chawm thei a, an enfiah

tawhnaah chuan hectre 50 vel siam theih a ni a. Chumi atan chuan Thuhruk lui irrigation project hi Major irrigation project anga siam niin ka lo hria a, tunah khan kan Minister zahawm tak khan, sum sen zat chu Rs. 4 leh tlem chauh niin a sawi a. S. Zote ah hian MWDPR Association a awm a, an Secretary te, an president te chuan Agriculture Director hnenah lehkha an theh lut a, Minister te pawh a copy an pe a. Hetah hi chuan cheng nuai 45 lai ruahman niin an tarlang a, an hre fuh lo deuh pawh a ni mai thei a.

Tichuan a tira Thuhruk lui khuah nana tih nisi kha luite tak te, Tuiarchanglui, leilet 2 chauh chawm thei, thal laia kang thin leh nghal khuah nan a hman a ni ta zawk a, chuvangin helai Thuhruk lui a, a kam vela leilet te leh Mat vel chawm tura tih khan awmzia a nei lo ta hrim hrim a.

Hei hi Departmental a tih chu ni bawk mahse, Departmental han tih hian Contractor te deuh te pawh hi a awm ve thei a ni, MNF Unit President in he hna hi chang niin hria a ni bawk a. Chulai leilet 2 chauh chawm theifina tur chu, a amount chu engzat pawh nisela, a bula zau zawk chawm thei awmna reng a, a tangkai lo zawk han khuah tlat hi engnge a awmzia tih ka zawt a. Hei hi thu belhchian dawl tur lo chu nise, Association te hian Director hnenah an thlen ka ring lo deuh a, Minister hian khawngaih takin a hmuna enfiah sakin, a tul ang angin action min lak sak thei ang em tih ka zawh belh a ni.

PU R. LALZIRLIANA

: Pu Speaker, ka zawhna chu Tui-muk lui, Khawmzawl ram ami, hemi hi Major irrigation Agriculture hnuai atangin maktaduai 7 leh nuai 1 senga tui lak ani a. Chu chu tui a kal thei lova, a hnar lam aini a mawnglam a chhuahna lam tur kha, feet 1-in a sang a ni, an ti a, kan Agriculture Engineer te hian an enpui lo nge ni a, hei hi ka zawt duh a. Tin, hria se, tih that leh an tum em? Tin, helaiah hianin Contractor hmanga thawh nge anih a, departmental work tih ka hre duh bawk a. A chhan chu, a hna a chhe hle mai a, min hrihtu hi pakhat mai ani law, tam tak an ni. Chuvangin, departmental work nge? Contractor kaltlanga thawh tih kha Contractor kaltlang anih pheih chuan an hmingte pawh kha ka hre duh nghe nghe a ni. Chu chu pakhatna a ni a. Tin, Pu Speaker, a pahnhnaah chuan hei 2007 ah mau a tam dawn a, sorkar chumi atan chuan a inring lawk a, tin mau pawh a tam mek tawh bawk a. Kumin 2006 hi a sehsam kum an ti. Khaw tam tak chu an tam tawh dawn a ni. Sazu in a seh tawh dawn a ni, kumdang angah chuan, chuvangin thar rang chin hi a tha a. Thlai thar rang chi hi sorkarin a sem em? sem ve se ka duh khawp mai a. Hei hi zawhna a ni a. Tin, chumi piah lamah BAFFACOS kan ti a, Parent Department chu Agriculture ni awm tak a ni a, hetah hian kan Pawisa Department dangah kan sem zai hnem lutuk deuh niin ka hria a. Tai awm zawng zawng dah tam nise tuna Mizorama awm hi sorkarin lei zawk sela, chu chu a ching duh zawng zawng hnenah a thlawn a pek nisela, chutiang chuan Pu Speaker, a tih theih lawm ni? tih ka han zawt a ni.

SPEAKER

A hma ai mahin a zau leh ta hak mai. A chhang turin Minister ilo sawm leh ang.

PU H. RAMMAWI  
MINISTER

Pu Speaker, zawhna neitu member zahawm tak Pu Lalduhoma zawhna-ah khan, Preliminary investigation tih kha kum 2002/2003 velah

daih tawh khan a ni a. He Project hi thuhruk Project tihloh theih a ni lova, thuhruk lui kam kha a ni a. Department in tui lak dan kha an ngaihtuah a. Amaherawhchu, a tirah khan heta zawhna ang chiah khan thuhruk lui kha lak tura ruahman a nia. Estimates buaipui chhung leh sanction buaipui chhung kum kha alo rei ve a. Chumi chhung chuan fur 2 velin an nanah khan a thuhruk luipui kha a zau ta huau mai a. A tira estimates an tih lai leh investigation an lak lai leh wawiinni hi in ang ta reng reng lo mai a. Chuvang chuan, pawisa tam tham fe sen ngai tur ani a. Chutihlai chuanin Tuiarchang lui nichina kan ti kha he project Area chhung ami tho a hi ani a. Thuhruk lui fintu tho a ni a. Tunah pawh hian tui saw a tha em em a. Tha tawka an ngaih a nia. Chu zawk chu Estimate tidanglam tawh lovin a Estimate pangngai chiah khan la ila kan ti a. Chu zawk a chu tui lak tui lakna tura tana khuah kha ani a. chu chuanin a chhak lam leh a thlanglam Tuiarchang lui leh Thuhruk lui infinna a chhak lam leh a thlanglam kha Potential Area kha a cover ve ve dawn a. Tin, a detail estimate ah pawh khan a tirah pawh khan metre 2,770 thui tura ngaih kha ani a. Khatiang ang kha ani a. A cover thei vek dawn tho tho a. Tin, a tui ah hian harsatna avmin a lang lova. Kan tum dan phei chuanin a detail estimate aia thui zawk mah mah kha cover dan a awm em? Kan cover theih ngei kan in beisei a. Chutih rual chuan Thuhruk lui a hi a lian ve tawh a, tui lenah khan a hawrh zau zel a. Helai control erawh hi chu a har khawp mai tih kha ka chhanna nisela. A project a hi Thuhruk lui Area anih avangin, a project hmingah a pu lo thei lova, a tui lak a kha chu entirman a piah lawkah pawh Upper Tui Sen Project-ah chuan kan laka kha chu Lathei luite anni veleh ta thova. Khatiang khan a rem zawk awm awm ve tho a ni. A cover zau zawk baw si a kha kan ngaihtuah a, chu chu kan kalpui lai mek ani tih kha ka chhanna ani a. Chhan kim loh ka nei em aw?

PU LALDUHOMA

Pu Speaker, nia a hmunhma te kan hre ve lova, amaherawhchu a khaw chhung ami ngei, Association ten heti tak maia an

complain hi chu Minister zahawm tak hianin min han chhui chian sak sela chuanin tha hlein ka hria a.



PU H. RAMMAWI  
MINISTER

: Pu Speaker, an complain-na chhan pawh kha engemaw chen chu kan chhui a, Thuhruk lui hnar lampang ami kha cover lo turah an ngai a.

Chu chu Archang lui atang khan a let zawng in kan cover dawn tho tho a. Khami an hriatah khanin a complain tute pawh khan an hrethiam ve ta khan ka hria, a cover dawn tho tho avangin. Cover loh kha a nei dawn lo a, Thuhruk lui kan lak ai hianin Tuiarchang lui kan lak tak hianin a coverage pawh engkimah convenience zawk a ni tih kha ka chhanna ni selangin. Tin, he Project atana kan Target a kha nuai 67, sing 4 sang 7 lai ani a. Tin, Pu Speaker, zawhbelhna member zahawm tak Saitual bial ami zawhna 'Tuimuk Ram' tih kha a ram tih zawngin kan kal lova, a Project hming khanin Tuimuk Project tih a ni. NABARD hnuai atanga kan enkawl a ni a. Amaherawhchu, kan buai khawp mai Pu Speaker, a farmer hote nen pawh Khawzawlah pawh kan inhmu a, Tuilianna a ti danglam ta zel a, a tihchhiat zel avang khan a thenlai a vur a, a thenlai a tihnam ta a, a hniamlai kha a tisang ta a, a control dan flat control nena tanloh chuan a buaithlak khawp mai a. Kan sum neih hi a tlem si a,

PU ANDREW LALHERLIANA

: Pu Speaker, khati lampang zawnga chhan chi anih ka ring lo a, hna-thawh chhiat lutuk vang a nia. A Contractor ang reng deuh a

khatianga an ruat ho khanin entirman, nuai 1 leh sing 7 man te kha sing 3 vel lek tena an zo ni awm a hriat a ni a. A chhiat lutuk vanga tuiin a la thei a, vawiinniah a hman tlak talo a ni. Khi khi a nihna takah chuan kan Minister zahawm tak hian enfiah a siamthat leh a ngai ani tih hriat a, i siamthat leh theih chuan a lawmawm hle ang.

PU H. RAMMAWI  
MINISTER

: Pu Speaker, kan lakna lai tak tui-lianin a tichhe veka a lakna lai tak a chhiat flat kha chuan a ngaihna a awmlo ani. Kan sawi

ngun khawp mai a, a lakna lai taka kha tuilianin a tichhe vek a. Chuvang chuan a lakna ber a awm tawhloh chuan a piahah chuan tui kal thu chu a awmlo a ni.

PU R. LALZIRLIANA

: Pu Speaker, kan tirei vak lo anga in method te chu in tihdanglam deuh chu a ngai anih kha maw le niminah pawh kan ngaihthlak tawh

kha mawle, khatia tang tlatlo khan kan ennawn leh ang e ti mai thei lang chuan a lawmawm zawk daih ang. Tin, khilala a ram neitute leh a chhawrtu tur zawng zawng pawhin an beisei a ni a. Khalai kha mahni tihsual tawh hi chu a pawh khawp mai kan ti diklo a ni e kan lo titha ang e tihdan kawng kha zawn mai ni se a tha lawm ni?

**PU LALRINLIANA SAILO** : Pu Speaker, Tuimuk lai tak hi kan lo tama Pu Ziran a rawn sawi ang khan sawi hrehawm deuh kan sawi ang a. Min lo ngaithiam se Minister zahawm tak pawn sorkar hnathawkin thil tha tih duh tam tak an awm a. Execution-ah pawh uluk taka tih an tum a, ngamloh an nei thin hi a pawh khawp mai. Chu chu khilai Project-ah pawh khian ani deuh a ni, kan thudawnaah chuan, hei hi hun kal turah tilo zawng hian tihdan a awm em? Sorkar hnathawk ho pawh hian tha taka an tihumna hi dipdal leh vau leh transfer te hi ching tawhlo ila tih hi min tiam thei em?

**PU H. RAMMAWI MINISTER** : Pu Speaker, ngamloh kan nei tih kha a dik khawp mai. Tuilian kha kan ngam tlat lova. A ram neitu te nen pawh khan a lakna min tlawh sak la an ti a, tlawh pawh kan tum a, a harsatna lai Pu Speaker, helai thil hi kei pawhin ka hre chiang khawp mai. Amaherawhchu, kan fund source hi kan in en ve a ngai a. Kan ngaih pawimawh lai mek a nia. Saitual bial member zahawm tak sawi ang khan kan enlai mek a nia. Anni te nen pawh ruahmanna engtinngge tia kan sawi khawm lai mek a nia. A funding source lai kha dap ngun a ngai a ni tih kha hrechiang ila a tha.

Tin, Pu Speaker, Mautam chungchang thu sawi kai tel a ni a. Tai chi sem tih kha kan lo inring ve ran ran a ngawi rengin. Tunah hian Tai chi kha a thar rang a nih avang khan tin nuaikhat vel tunah hian lei ila tih ruahmanna kan nei a ni. Amaherawhchu, kan lei dan kha supply ni lovin, nikumah khan Pu Speaker, Balhla changel supply tih a tam thin avang khan a chingtute khan duh thlang sela amah leh amah in supply sela, Department in an chin bak ka ching an tih lehna turin veng ila kan ti a, a tangkai khawp mai a. Chuvang chuan kuminah hian Tai tin nuaikhat hi chu Farmer hnena supply kan tum a, a supply dan erawh hi chu a tangkai thei ang ber tura ruahman kan neih lai mek a ni tih kha ka chhanna a ni e.

**S P E A K E R** : Awle, Starred Question 48-na zawt turin Pu Sailothang Sailo i lo sawm ang.

**PU SAILOTHANGA SAILO** : Pu Speaker, PHE Minister zahawm tak chhan atan ka zawhna Aizawl khawpui tui hnianghnar zawka pe turin sorkarin eng ang ruahmanna nge a neih? tih a ni.

**SPEAKER**

Chhang turin PHE changtu Minister zahawm tak Pu Tawnlui i lo sawm ang.

**PU TAWNLUIA  
MINISTER**

Pu Speaker, member zahawm tak Pu Sailothanga Sailo zawhna chhanna chu, Aizawl khawpui tui hnianghnar zawka pe turin sorkarin ruahmanna hrang hrang a siam a. Chung zingah chuan Greater Aizawl Water Supply Scheme Phase II hnathawh mek a ni.

**PU H. LALSANGZUALA**

Pu Speaker, kan tui lak chungchang hi Phullen khua tui pipe Greater Water Supply Scheme chungchanga hmalakna pipe bo chungchang hi ka zawt ve duh a. Pipe za chuang zet mai Pawlrang lamah a awm a. Sorkar in an dah a. Chu chu a bo vek mai a, FIR hi YMA in an thehltut a. Tun thleng hian engmah ngaihtuahna a awm lova engnge a chanchin tunah sorkar hian a hmu dawn tawh em? engtingge hmalak a tum tih ka zawt e.

**PU ZODINTLUANGA**

Pu Speaker, zawhbelhna kan Minister zahawm tak khan Aizawl khawpui chhung a tui hnianghnar zawka kan hmuh theihna tur a pawimawh ber a tih kha Greater Aizawl Water Supply Scheme Phase II ti khan a rawn sawi a. Hei hi Pu Speaker, kan inngahna anih dawn chuan Aizawl khawpui hi chuan tui hnianghnar hi kan nei dawnlo in a ang khawp mai, kan hmalakna te han en ila kan sorkarina propoganda hrang hrang hmanga mipui min bum te hi a pawika ti a. Kum 2002 khan Information Department in a rawn chhuahah chuan PHE chuan rem hre takin sorkar laipui atangin Mizoram sorkar pawisa tel lovin Aizawl Greater Water Supply Scheme Phase II atan cheng vaibelchhe za sawm pathum leh point sawmli pasarih a hnuk chhuak a. Heng hnate hi a chanve zawh fel a ni tawh a ni. Kum 2002-ah kan sorkar Mizoram hma a sawn zel tih a ni. Chuan Mizoram sorkar pawisa tel lovin tih kha Mizo mipuite hmena an in zawrh dan a ni a. Amaherawhchu, C & AG Report-ah te kan hmu a. Mizoram sorkar in kan tum tur a awm ve reng mai a za a sawmhni leh panga. Tin, hei tunkum majah pawh 2006 January thla a Mizoram hmalam panin tih lehkhbuah hian he Greater Aizawl Water Supply Scheme Phase II hi chhonzawm mek a ni a. Fifty percent zawh a ni tawh a ti a ni. Kumnga hnua pawh fifty percent zawh tho a ni. Kum nga chhung khan hna an thawk miáhlo tihna a ni a. Chuvang chuan Pu Speaker ka zawhna pakhatna atan chuan kan Minister zahawm tak hian Mizo mipuite bum nan hetiang dawt propoganda hi an hman thin a hi ti tawhlo turin a intiam thei em? tih kha ka zawhna a ni a.

Tin, a pahnihnaa chuan hei kan Member zahawm tak Pu Liansuama zawhna Starred Question sawm leh pasarih naah khanin Central sorkar atangin February 2003 hnulamah sum kan hmu thei lova tih a rawn ziaak a. Heti chung hian Republic Venga kan Governor zahawm takin a thusawinaah te khan he hna hi quite satisfactory a ni, hna a kal zel a ni tih a ni a. Kum 2003 atanga pawisa hmu tawhlo ti a rawn chhang si a kha eng angin nge hna hi a kalzel. He Greater Aizawl Water Supply Scheme Phase II hi Pu Speaker, kan Minister zahawm tak hian a awmdan dik tak hi he House zahawm tak hi min hrih thei lawm ni, vawiinniah chuan a kolometer a pipe phum tawizia te a hmunah hianin zuk kal ve thei selangin, a khawl bunna tur sak nasa lutukte hi zuk hmu ve sela a lawmawm ngawtin ka ring.

Tin, nichina kan han sawi Pu Liansuama, kan member zahawm tak zawhnaah bawk hian Tui Pump khawl siamtute lam atangin tubical ah harsatna kan tawk a, chuvang chuan a manufacturer in a khawl min la supply thei lo khawpa technical lama buai kha supplier ah kan zu hmang dawn a nih chuan Aizawl khawpui hi chuanin tui chu kan hmu lawk dawn lo a ni. Sum pai leng vel hi chu a tam tih a chiang a, kan traffic police te pawhin company label hmangin kawrte an ha thei a, a lawmawm rual rualin he hna hi, a nihna dik tak hi Minister zahawm takin min hrih thei em tih ka han zawt a ni.

PU LALDUHOMA

: Pu Speaker, Aizawl khawpui khawthlang lam Dawrpui Vengthar chin thlanglam zawngina an tlan khawp tura ngaih Tuithum Project tih hi Department hian a buaipui mek niin kan lo hria a, hemi atan hian DPR hi engtikah nge peih a nih theih ang a, he Project atan hian tun Financial Year ah hian sum ruahman a ni ve em? eng angin nge he Project hi a kal chhoh zel ang, engtik vela peih theih tur nge a nih ka zawt duh a ni.

SPEAKER

: Ding lampang hi ti ve ang aw, an ti khat em mai.  
Pu Lalthlengliana.

PU LALTHLENGLIANA

: Pu Speaker, Greater Water Supply Scheme hi chak taka hmalak a ni a, a lawmawm viau a. Engtikah nge Tut lui khuan Mamitah min chhun luh sak theih dawn tih ka zawt e? (2) Water Tariff (Tui man) hi engzat nge? Tui man tihpun a ni em tih kha kan zawt tel duh a ni.

S P E A K E R

: Kan Senior member pui ah a tawp ta tlat mai a. A tawpna atan i sawm ang aw.

P U S. H I A T O

: Pu Speaker, thingtlang lam hi khaw tam takah tui pipe zam sak an ni tawh a. Mahse PWD kawng lai hian a tichhe nasa em em mai a. Khaw tam takin tui an nghei phah a, a khuate pawhin an buai a. Kan bialah te pawh an awm mek a. Hei hi PWD lam tum tur nge, contractor in a siam tha dawn nge, PHE in a siam tha dawn tih pakhatnaah ka zawt duh a. Pahnihnaah District Headquarters Lawngtlai te engnge tunah a dinhmun tui bill lak sak tum danah? Tin, Saiha pawh kum engemaw zat kalta a lak a ni a, tui a tlem a, lak belhna tur Scheme min siam sak em tih ka zawh belh a ni e.

S P E A K E R

: Chhang turin Minister i lo sawm ang.

P U T A W N L U I A  
M I N I S T E R

: Pu Speaker, kan Aizawl khawpui tui hnianghnar zawka pe turin Sorkarin theih tawpin hma a la a. Phase II hi tuna kan bawhzui kallai mek a ni tih kha kan chhanna a ni a. Tin, hemi Phase II bakah hian Ratu bialtu zahawm takin Aizawl West II bial lam hi Aizawl khawpui ina huam tho a. Khami atan khan Tuithum impounding project kan siam a, chu chu kan Chief Minister zahawm tak hian min thlirpui tawh a. Chutah chuanin a tui tam theih dan tur te han chhut khanin tuna Aizawl West II kan tih mai lampang Lungmual, Tanhril, Sakawrtuichhun lam thleng khuan a chawm thei tura ngaih ani a. He Project hi lo puitling ta selang 12 million litre nitin pe chhuak thei (12MLD) tur ani a. Chumi atan chuan tunah hian DPR pawh buatsaih a ni a. A siamna tur sum hi a hautak tham avangin ADB (Asian Development Bank) ah te kan zawng a. Tin, Urban Ministry ah te pawh khuan pawisa hi kan dap mek ani. Chutiang chu Tuithum impounding reservoir chungchang chu a ni a. Tin, hei kan hriat atana tha chu kum 2026 thlengin PHE hian Aizawl khawpui in tui hnianghnar a kan hmuh theihna turin ruahmanna a siam a. Kum 2026 ah chuan Aizawl khawpui ah hian mihring 3,80,000 vel awm thei tura ngaih a ni a. Chutiang anga han chhut chuanin nitin Tui 56 million litre (56 MLD) kha kan mamawh dawn a hriat a ni a. Tunah hian Phase I leh II hi complete ta ilangin Tui 34.8 MLD kan produce thei ang a. Tuna kan hmuh ang pangngai let hi phase I leh Phase II a han puitlin ah chuan kan nei thei ang a. Tin, Tuithum Project kha 12 MLD a lo nih chuan Tui 46.8 MLD kha Aizawl khawpuiin nitin

kan hmu ang a. Tichuan 2026 a tui kan mamawh tur chhut lawk khan 10 MLD kha mamawh belh a ni a. Chumi atan chuan Chite luite, Tuikual lui te, Tuipawl (Durtlang) lui khuah te, khang atang khan hmuh belh theih turah kan ngai ani. Chu chu Aizawl khawpuiin tui hnianghnar a kan hmuh theihna tura Department in a ruahmanna awm mek leh a bawhzui kal lai mek a ni e tih kha kan chhanna ni sela.

Tin, Buarpui bialtu zahawm tak khan mipui bum nan sorkarin tiang hian in sawi thin tih kha chu Pu Speaker, mipui hi bum pawh kan tum lova, kan la bum bawk lo a ni tih hi he House zahawm takah hian ka sawi duh a ni.

**PU ZODINTLUANGA**

: Pu Speaker, mipui an bum lo a nih chuan he lehkhabu hi sorkar tih a ni lawm ni. Hei hi sorkar tih a nih siloh chuan tu tih nge hei hi? Inbumna a ni. Mizoram sorkar pawisa tel lovin Greater Aizawl Water Supply Scheme Phase II tan cheng vaibelchhe 113.47 a hnuk chhuak a, tih hi Pu Speaker sorkar lehkhabu a ni, hei hi.

**PU TAWNLUIA  
MINISTER**

: Pu Speaker, thil hi a tum bung chauh hriat hi chuan member zahawm tak te phehi hi chuan House ah hian au chhuah pui loh a thain ka hria. Hei tunah hian crore 113.47 hi Greater Aizawl Water Supply Scheme Phase II atan hian administration approval kan nei tawh a. Hmanni lawk khan Central atangin cheng crore 13 kan hmu a, chu pawh chu expenditure sanction kan nei tawh e Pu Speaker, chuvangin AA (Administrative Approval) hi kan nei tawh a, crore 113.47 hian chu chuan a sawifiah maiin ka hria Pu Speaker. Tin, Pu Speaker, zawh theih hun tur hi target kan nei meuh mai a. Zawh hun tur target kan nei a, mahse kan zo lo tih erawh chu kan admit a, kan sawi tawh bawk thin a. Chutiang chuan he kan project lianpui kan bawhzuina ah hian harsatna hrang hrang kan neihte pawh kha kan han tarlang a. Pu Speaker, kum 2003, 18 February kha Central atanga sum kan hmuh hnahnun ber chu a ni a. Tichuan, nuai 4500 kum 2003 February thla chhoah khan kan hmu a. Chumi hnua chuan harsatna kan nei tih kha Pu Speaker, a dik a. Tichuan hmanni February, 2006 khan crore 13 min rawn released ta a. Tunah hian expenditure sanction pawh kan hmu leh tawh e. Kha fund hmuh inkar gap kha a zau khawp mai a, chu chu kan tawh chak theih lohna hi a ni e tih kha kan chhanna a ni a.

Tin, State share hi tunah hian nuai 1795 kan hmu tawh bawk a. Chutiang chuan tunah hian Pu Speaker, pawisa hi kan duh anga a lokal chak theih loh avangin hna hi a chak thei lo a ni tih kha kan admit a, a dikna pawh ka sawi atang khan kan hmu ani. Tin, chulo lehah chuan tui pump khawl chungchang a rawn sawi kha, a dikna chu a awm a, kan scheme hi a changin khawl pakhat, khawl pahnih, pipe pakhat, pipe pahnih, direct a

khuta tanga pump chhoh mai, a bun lawk nei a siam te, a hrang a hrang hi a awm ve a. Chutianga anga kan han bawhzui chhohnaah chuan tui khawi pump chungchangah dihmun zawl atang Tuikhuahtlang chu khawl pump lian pakhata pump chhuah tura ruahman a ni. Tichuan khawl pump siamtu tur mather platts, (hei hi India Company a ni) lam chuan an siam thei mai a ni. A khawl nawr vir tu diesel engine hi cummins India Limited siam tur a ni a. Anni hian hetiang diesel engine lian tui pump na tur chi chu kan siam thei lovang, diesel engine te deuh pahnih kan siam mai ang an ti leh ta tlat a, diesel engine a hma a siam thei tura in ngai khan kan siam thei lovang an ti leh ta tlat a, midang siam tu tur India ramah an awm baw si lova, khawl pahnih kan siam mai ang an ti a, kan engineer te pahnih kan tir thla a. Hei hi contractor in a tih tur ni mahselangin kan thahnem ngaihna avang zawkin, kan in tir thla a ni. Tunah hian khawl pahnih chu an siam mek a ni. Chuvangin hemi kan bawhzui zel naah hian Pu Speaker, kan tum anga kan tuan hian chuan next financial year, chu chu, kum 2006-2007 chhung hian chuan Tuikhuahtlangah khian tui pump thlen ngei hi kan beisei a ni, chu chu kan chhanna a ni.

Tin, Pu Speaker, Mamit bialtu zahawm tak in 'Mamit Greater Water Supply Scheme hi engtikah nge hawn anih theih ang' ? tih kha tunah hian trial run te neiin kan peih fel tep a, tunah hian Mamit Greater Water Supply Scheme hi a date chu kan sawi thei lo ang a, tun thla hi chu Session ani tlat mai a, March hi, March hi chuan kan ti lo ang a, April ah erawh khian chuan Mamit Greater Water Supply Scheme hi kan commission theih kan beisei a ni. Tin, a dang kha a han zawt tel tho bawk a. Kawnpui pawh April thlaah chuan commission theih kan in beisei a ni. Tin, Session lo ilang chuan kumin financial year chhung, 2006 March thla tawp hma ngei a commission kan duh a, session hian min tlak buak ta a. Tuang takin a kal chuan April thlaah Mamit, Kawnpui, Rengdil leh Zamuang pumping Scheme te hi chu commission theih kan in beisei a ni.

Tin, Mamit bialtu khan tui man tihpun a ni em? a ti a. Hei hi kan hrechianglo palh anih ka ring thin a. Water tariff hi kan tipung lo. Hei hi chiang takin House hian a hriat ka duh a. Kum 2000 February thla atangin Flat rate tunhma a @ 75/- kan lak thin a kha @100/- tihpun a ni. Chuta tang chuan vawiin thlengin Water tariff hi tih danglam lohin ala kal zel a ni. Flat rate kan tih hi mi in tui galon 3000 a hmuh in thlakhatah @100 in kan hrut rual ta vek a. Chu chu tui tin 857 vel a ni. Chu chu thlakhatah connection pakhatin tui tin 857 a hmuhin Rs. 100 a pe a, chu chu kan rate hman lai hi a ni. Tinpun a ni lo.

Chutianga kan lak chuan tui tin khat zelah 11.06 paise chawi ang kan ni. Tui gallon 3000 atanga 9000 inkarah kha chuan a rate a sang deuh a, tin khatah 24. ½ paise a ni. Gallon 9000 chung lamah erawh chuan tin khat 35 paise a ni thung a ni. Chuvangin tui man hi a tam lo viau a ni. Kan production cost hi tui tin 1 kan pump chhuahna man hi Rs. 1.40 a ni. Kan leina, kan Production cost a Re. 1 chuang (0.40 paise) a pawh kha mipuih hian a to berah pawh kan la la lo a ni.

Hetiang hian mipuiin kan mamawh em avangin sorkarin a ngai pawimawh a. Metre kan vuah pawhin hemi rate tho hi kan hmang dawn a ni. Engatinge metre in vuah? tin 800 vel hmu thin leh tin 2000 hmu thin ten a man inzat an pek hi a dik lo kan ti mai a ni. Chuvang chuan meter vuah pawh hian tui man (rate) a sang dawn chuang lo, a rate a pangngai dawn a ni. Pu Speaker, hei hi chiang se kan duh khawp a ni.

Tin, tui rate hi 1993 rule atanga lo fixed tawh a ni, a flat rate erawh chu 2000 ah Rs. 75 atangin Rs. 100 ah kan fixed a. 1993 a Water tariff rules ah khan mi in tui gallon 3000 chuang a hmuh chuan tuna kan rate ngai sawi kha lak a ni ang tih 1993 ah a awm daih tawh a ni. Chuvangin, Pu Speaker, mipuiin kan mamawh kan tui in tur man hi sorkarin a uchuakin a chawi tir reng reng lo a ni tih kan hriat kan duh a ni.

Tin, Saiha bialtu in PWD kawng laih in pipe a ti chhia a tih kha Department pawhin kan tuar khawp a, PWD enkawltute nen pawh kan sawiho tawh thin na in contractor te hi thunun an har deuh thin a Department tan pawh a buaithlak a ni mai thei a, kawng laih hian kan tui pipe hi a ti chhe tam tawh khawp mai a Pu Speaker, kan in hre pawh chung hian tun ang lo deuh hi chu kan mamawh khawp mai tih kan hria e tih kha kan chhanna ni mai teh se Pu Speaker.

**PU LALDUHOMA**

: Pu Speaker, khati ngawt lo khan a tih theih em aw, ka bial Zo-hmunahte pawh min nawr chhiat sak a, a rei tawh a. PWD in PHE an puh a, an in puh kual a, a thenin contractor an puh a, solution a awm lo reng reng a, local level ah pawh a buai kual ringawt mai a. Hetiang hi hmun tam takah a awm anih si chuan fel deuh hlek a settle dan hi ngaihtuah a tha khawp mai a.

**S P E A K E R**

: Nimin piah lawk khan sorkar Notification ka hmu a, Secretary PWD in khatiang thil kha tunhmu a a awm tawh lohna turin enfel tu committee an siam a Department hrang hrang a kha notification an chhuah a kha kha thui deuh chu a kalpui thei ang chu maw.

Question hour a tawp dawn a, zawhna 2 Pu Hiato leh Pu H. Lalsangzuala zawhna kha la chhan loh a ni a, an chhang zo dawn em ni ang,

**PU TAWNLUIA  
MINISTER**

: Pu Speaker, kan chhang zo law law dawn em ni ang? Saiha lam tui lak leh helam Suangpuilawn bial zawhna te kha ka chhan tum



lai takin thildang khan a rawn tlak buak a. Pu Speaker sawi kha a dik a, kan concern tlang theuh a kha kha chu fel zawka thndan ka lo ngaihtuah anga kan lo bawhzui tur zinga lo chhawp tawh a ni e, tih kha ka chhanna a ni a. Tin, Saiha bialtuin Saiha leh Lawngtlai Water Supply Scheme chungchang a rawn zawt a. Kuminah hian hetiang scheme lian hi chu kan Annual Plan atang hian tih a har khawp mai a, mimal tin ten kan hrethiam a, churvangin a pawimawhna hria in khawi atangin nge fund source hi kan neih ang tih hi dap mek a ni a. Kan Chief Minister zahawm tak hian chung chu a chhinchhiah vek tawh a, Lawngtlai hi kan ngai pawimawh. Tin, tui pawh saw hnai te atangin Saikah lui tui saw Chawnhu tlanga pump chhoh a, Lawngtlai chu gravitation a pek kan tum a ni. Pawisa kan la nei daihlo deuh a ni. Kan ngai pawimawh e. Saiha saw chu tui a chhe lutuk lovin kan hre rih a. Tin, Phullen Water Supply pipe pawh Pawlrang bulah a bo thu hi dik tak chuan Department ah Official in report ala thleng lova, ti ti ang chuan kan hria a, tunah House a sawi chhuah a ni a. Hei hi chu kan lo chhui Chiang dawn e, tih kha kan chhanna ni rawh se. Pu Speaker, ka chhang kimin ka hria. Ka lawm e.

**S P E A K E R**

: Awle, kan question hour a tawp a. List of Business a kan kal leh hmam vawiinnia kan rorelnaah hian kan member zahawm tak tak pahnih, Pu Sainghaka leh Pu Z. H. Ropuia, Minister of State ten an lo tel theih loh tur thu ziakin an rawn hriattir a ni. Tunah chuan List of Business ah kan kal ang a, Laying of Papers kan Minister zahawm tak Pu H. Vanlalauvan paper pahnih House dawhkana pharh tur a nei a, a hranpa a ko lovin a pahnih hian lay turin sawm mai ila, heng 'The Aizawl Development (Master Plan and Zonal Development Plan) rules, 2005' leh 'The Aizawl Development Authority Rules, 2005' te hi lay turin Minister zahawm tak Pu H. Vanlalauva ilo sawm ang.

**PU H. VANLALAUVA  
MINISTER**

: Pu Speaker, ka lawm e. House member te hriat chak leh tih Bengvarna anih ka ring a. Kan V/C 553 ah khan V/C - 7 chauh report kan la dawng lova, a dang a fel vek tawh tih kha thuhmahruaiah kan sawi duh a. Pu Speaker, i phalna leh he House remtihain "The Aizawl Development (Master Plan and Zonal Development Plan) Rules, 2005" leh 'The Aizawl Development Authority Rules, 2005' te hi he House zahawm tak table ah hian ka lay e.

**S P E A K E R**

: A copy te han sem nise. Presentation of report a ni a. Pu R. Lalzirliana, member zahawm tak leh acting Chairman, PAC in PAC

report pahnih House-ah present tur a nei a, hei pawh hi a rualin han present mai sela. 17<sup>th</sup> Action taken report of PAC relating to Power and Electricity Department leh 18<sup>th</sup> action report of PAC relating to Rural Development Department te House-ah present turin Pu R. Lalzirliana ilo sawm ang.

**PU R. LALZIRLIANA** : Pu Speaker, i phalna leh remtihna-  
in Public Account Committee 17<sup>th</sup>  
action taken report relating to Po-  
wer and Electricity Department leh  
18<sup>th</sup> action taken report relating to Rural Development Department te hi he House  
zahawm takah hian ka present e, ka lawm e.

**SPEAKER** : A hmasa zawk kha 17<sup>th</sup> anga  
ngaihthlak tur a ni ang a, 18<sup>th</sup>  
ve ve a ni lo a nia, a copy te  
kha han sem nisela, a tha ang e.

Member zahawm tak leh Chairman  
Subject Committee IV 1<sup>st</sup> report of subject V Committee 2006-2007 House-ah  
present turin i lo sawm ang.

**PU H. LIANSILOVA** : Pu Speaker, I phalna leh House  
remtihmain Subject Committee IV  
(SPEAKER : Sorry, IV zawk a  
ni e) 1<sup>st</sup> Report, March, 2006,  
Trade and Commerce Department a bikin border trade he House zahawm takah  
hianin ka present e. Tin, Pu Speaker, kan Subject Committee hianin kan lawmthu  
han sawi lan kha a tha ang, kan tih avangin term hmasa a Chairman leh member  
zahawm tak hmalakna avangin he report hi tunah kan rawn present thei a, an  
inpekna leh thawhrimna avangin an chungah lawmthu kan sawi bawk a ni, ka  
lawm e.

**SPEAKER** : A lawmawm e, a copy kha han  
sem nisela, kan Subject Committee  
te hi an sawi thin angin House  
aiawha thawk ani a, hei hi an  
hnathawhna hi kan Ministry lam te pawhin kan zavai aiawha thawk an ni tih kha  
an lo hriat thin a tul leh mamawh an han sawi te a theih chin chinah lo enchiana  
cooperation pawh an lo pek thin a pawimawh hle in ka hria. Legislative Business  
ah kan kal ang a, Dr. Lalzama Minister zahawm takin, The Institute of Chartered  
Financial Analyst of India University Mizoram Bill, 2006, House-ah introduce  
rawn dil sela a tha ang e.

Dr. LALZAMA  
MINISTER

Pu Speaker, i phalnain The Institute of Chartered Financial Analyst of India University Mizoram Bill, 2006 hi House-ah hian

introduce ka rawn dil e.

S P E A K E R

Tunah rawn introduce sela.

Dr. LALZAMA  
MINISTER

Pu Speaker, The Institute of Chartered Financial Analyst of India University Mizoram Bill, 2006 hi he House-ah hian ka

rawn introduce e.

S P E A K E R

A rawn introduce ta a, sawi tawh ang khan a copy kha kan insem vek tawhin ka hria a. Tunah House ngaihtuah turin

rawn move sela, i sawm ang.

Dr. LALZAMA  
MINISTER

Pu Speaker, The Institute of Chartered Financia Analyst of India University Mizoram Bill,

2006 hi kan lo hmuh theuh tawh angin management course hrang hrangte leh Technical Course hrang hrangte zirna lam University a ni a. Hei hi Pu Speaker, a Bill takte pawh kan hriain a lo kal dante thuhmahruai kan sawi ang a. Professor Biplab Halder an tih initiative group a member pawimaw niin Hyderabad mi Mizoramah lokalin he ICFAI Bill kan tih hi, an Project hi rawn kengin min rawn approach a. Kan han sawiho a. "A project hi kan lo zir Chiang ve phawt ang e", kan ti a. Kan han zir Chiang a. Kan Officer te, kan Commissioner te leh kan Director lamte pawhin han zir Chiangin tha kan ti viau mai a. Kan tum a chu hetiang ang management course hrang hrangte leh technical zirna lamte kha hawng thei a, a insawi avang kha a ni a.

Tin, a bik tak pawhin MBBS zirna pawh hi kan duh si a, seat 29 emaw kan nei chauh si a. Chuvangin heng zirate pawh an tih theih dawn phei chuan a tha awm mang e, kan ti a. Tichuan kan han sawi ho va. Crore 30 hi kum 10 chhungin kan rawn invest ang a, Mizoram sorkar pawisa ngai lovin, helaiyah hian quality tha takin kan lo indin thei a ni, an rawn ti a ni. Anmahni sum seng veka rawn din tur annih avang leh Course hrang hrang Mizorama kan la neih ngai loh te rawn din thei tur annih avangin a lawmawmin a tha hlein kan hria a. Hetianga sawi ringawt mai chu a tha tawh lo ang a, tiin kan Chief Minister advice nain expert team te siam ilangin a hmun ngeiah

Hyderabad ah te kal ila zuk zir chiang sela, kan ti a. An establishment te, a function dan te zawng zawng zuk enchiang teh se, tiin mi kan tir ta a, chung chu Dr. L. N. Tluanga, Dr. C. Biakmawia, Pu Lalrochhuanga leh Dr. H. L. Malsawma te an zuk kal vang vang a. Ngun takin an institution te zuk enin an Vice Chancellor te, an Registrar te Department hrang hranga an hotu te zuk kawmin an zuk zawt nasa hle a. Report an rawn pe ve leh a, tha an ti em em mai a. Pu Lalnuntluanga phei chuan "Missionary rilru puin thil an ti a ni a, a lawmawmin ka ngaisang khawp mai", a ti a, an report te kan lo dawng a. Hetiang University tha hi Mizoramah hian lalut ta ila, kan Mizoram tan a tha dawn em mai, tihte kan ngaihtuah a. Hyderabad ah pawh a zirchhuakte chuan hna an hmu zel mai a. Company liante rawn kalin Interview an la a, 100% an la fai vek mai thin a. Chuvangin, kan Mizo nula leh tlangvalte pawhin an zir chhuah huna India ram hmun hrang hranga hna an hmuh zung zungna turin a tha dawn a nih hi Hotel management te Tourism Management te Hospital Management te, chutiang ang Management chi hrang hrang Financial Management te, anih bawk avangin a tha dawn e, tih kan ngaihtuah a. Tichuan, an indin dan leh an chanchinah chuan 1984 atanga lo indin tan niin Education programme hrang hrang buatsaih leh sorkar leh company liana thawktu tur mithiam chherchhuah kha an tihdan tlangpui a ni a. Hei bill kan han siamah hian chiang deuh taka sawilan duhte pawh a awm a, kan han buatsaih a session hmasa khan kan thehltut tawh a, kan ngaihtuah hma lawk khan Supreme Court Judgement order alo chhuak tlat mai a. state tinah for information an rawn thawn kual a, chuvangin zir chian phawt a ngai a ni. Law Department in zir chiang sela kan ti a kan withdraw leh a session hmasa te pawh khan kan han hmuh deuh uk tawh kha a ni a, Law Department hian ngun takin zir chiang se kan ti a, a chhan tlangpuih chuan, Chattisgarh State ah khuan University din tur khan Assembly in Bill an lo passed ve a khami hmang khan University 100 chuang ngawt mai kha an lo din mai a, awihloh a ni a University din dawn chuan ama Act kha a hrana neih vek tur a ni. Chumi neilo chuan pakhat ring khan din alo ni a kha kha awih loh ani a Supreme Court pawhin a lo hnawl a ni. Chuvangin tihsual path a hlauhawm a Law Department in zir chiang phawt sela a tha ang e kan ti a ni. A Bill in hmuh theuh tawhah khan a duma ziah a awm a, Advocate ten an rawn siam danglam a ni a, chuvangin harsatna a awm love tiin ti hian kan buatsaih ve ta a ni. Tin, a hma in kan Opposition member zahawm tak tak te a tam ber chu kan lo sawipui tawh a, kan lo sawi ho tawh a. Ram thil tak tak a ni a, hetiang titur phei chuan kan vaia kan tih tlan hi a tha a ni. Chuvangin kan hriat tlan a tha a Mizoram hnuk pavimawh a nih dawn avangin kan ti a, kan lo sawiho tawh nghe nghe a.

Tichuan he ICFAI University hian India ramah Business School hmun 14 ah alo din tawh a. Tichuan India ram State hrang hrangah Study Centre 138 alo din tawh a. Tin, Institute of Science and Technology hi hmun 6 ah an din tawh a, tin, ICFAI National College hi hmun 140 ah an din tawh a, Information technology zirna hmun 5 ah an lo din tawh a. Tin, Uttaranchal State te, Sikkim te, Tripura te leh Meghalaya te pawh hian hemi din tur hian an lo passed tawh nghe nghe a. Uttaranchal phei chuan UGC atang pawhin recognition a nei fel vek tawh a, hetiang hian an ti nghe nghe a, Institute of Chartered Financial Analyst of India, Private University of Dehradun, Uttaranchal hi an Legislative Assembly Act No. 16 na 2003 ah pass tawh a ni a.

chu notification (Gazette) chhuah a ni tawh a. Tichuan, he University hi UGC at 1956 section 2F in a sawi ang hian UGC in University a maintain list-ah hian a tel ta a ni tiin khatia an rawn ziah copy pawh kan nei nghe nghe a ni. Hemi hi UGC in an lo recognise dan a ni nghe nghe a. Chutiang chuan an nei tawh a. Tin, Himachal Pradesh ahte pawh ordinance an process mek a, kuminah hian an pass ve mai thei bawk a. Tin, Maharashtra ah hian ordinance bawkin a ti dawn a, Rajasthan ah hian a Act hi an buaipui ve mek bawk nghe nghe a ni. Chutiang chuan India ram State hrang hrangah hian an han ti a. Quality sang tak an nihna hi kan hriat chian pawh a ngaiin ka hria a. Hemi Business School hian National & International bodies ah pawh hian member te niin thawhpui a nei tam khawp mai a. Association to Advance Collegiate Schools of business, USA a mite, Chartered Institute of Marketing UK a mite, Americal Accounting Association, USA a mite leh ram hla ta tak a mi Switzerland, Singapore te leh Australia a mite pawh zawmpui neiin an lo thawhpui a tihian zirtirtu leh zirlai te pawh practical work training an lo in kal pawh bawk a.

Tin, chubakah chuan European Case Clearing House, UK leh Havard University, USA a mite pawh hianin an case studies hi an lo lei sak thin a. Chutiang chuan sap ram University te pawhin an lo dawr leh an rinpui ve an lo ni a. Chutiang khawp chuan an quality a lo tha a. Hei an case studies hi Business School leh University khawvel hmun hrang hrangah an hmang tangkai a. An management text bookah te hmangin Canada, Europe ah te an lo chhawr a ni. Tin, kawng dang heng Portuguese te, Spanish te, Russioan tawng te pawhin an lo let a. Chutiang chuan khawvel hmun hrang hrangah hian an Case Studies siam pawh hi sap ram lam te pawh hian text bookah te an hman a tam khawp a. Tiang chuan University quality tha tak mai an lo nih avang hian a lawmawm hle in ka hria a. Mizoramah pawh hian din ve ta ila, Mizo nu leh pa ten nuai 4 nuai 5 te seng a Engineer kan fa ten an zir chhunga kan sen ang kha a chanve in helai North East te phei chu min tih sak rawh u, kan ti nghe nghe a. Tunah pawh hian Tripura ah khuan a chanve in kan han ti a ni an ti nghe nghe a. Tin, hmanni pawh khan a hmun tur en tur kha lo chho rawh u, kan ti a, an lo chho va, kan han en nual nual bawk a, a hmun tur pawh chak taka zawn chhoh zel pawh a chakawm viau a. Engpawh nisc helaiah hian keinin a dan hi kan pass phawt a ngai ta a. Hemi atanga action lak zel tur hi a ni a.

Tichuan a bill hi han keu ta ila, a tir bera han sawi ang khan Accounting leh Financial analysis and management te, business management te, Applied Science & Technology te, Education te, Medical Sciences tih te pawh kha kan hmu a. Khang MBBS zirna kha a remchan hmasak berah hawn tir kan tum a ni, tunah hian pass ta ila, UGC recognition kan zu dil nghal ang a. Chutah an rawn en ang a, an rawn recognise hunah Medical Council of India-ah permission kan la leh ang a. Chuta tang chuan MBBS zirna te, BDS te, B. Pharm kan tih ang chi te, Ayurvedic kan tih ang chi leh Homoeopathic kan tih ang chi te pawh a hawnchhoh theih dawn a ni a. Khatiang kha helaiah pawh hian a lo lang a ni.

Chapter-1-na ah chuan hei a preliminary tih ang khan a hrihfhahma a definition hrang hrang a la ni mai a. Tichuan University and its objects tih kha a lo awm ve leh a, khang kha thil chi hrang

hrang kalpui dan tur a rawn sawina a ni a. Tichuan phék 8-na kha han keu ta ula, kan rawn kengkim emaw, establishment of university tih lai takah kha a pawimawh viau a.

Hei phék 8-na sub no-2 dum deuh raih After establishment of endowment fund the State Government shall inquire into the infrastructural development required for incorporation of university and recruitment of teaching staff an ti ta a. Endowment fund pawh hi an rawn deposit tawh a.

Tichuan a infrastructure development, a building eng eng emaw sak turah te hian Mizoram sorkarin a enpui tur a ni ta a. Tichuan on fulfillment of criteria laid down by UGC a ti a, UGC in a duh dan fulfil khan the State Government shall grant certificate of incorporation in consultation with the UGC by publication of Notification in the Official Gazette to accord sanction for Establishment of the University tihah khan engtinngeng heng hi hma in lo lak tawh ? tih ngaihtuahna leh zawhna a awm mai thei a. Engpawhnise, UGC a zuk thlen tur leh zuk sawipui tur pawh hian a Act hi kan pass phawt a ngai a. Khami atang khan, khai le, kan pass ta a, Private University in dinna dan ang thlap khan kalpui tur kan nei ta e, tia helaia a rawn tarlan phék 13-na kha han en leh ta lawk ila, a chung berah khan National Accreditation a awm a. The University grant commission (Establishment and of maintenance of standards in private Universities) Regulations, 2003 as amended from time to time, tih a dum deuh raih a awm kha. Kha kha UGC in Private University a enkawl dan leh a phal dan a awm a. Khatiang ang tak khan tuna ka sawi phék 8-na pawh kha Mizoram sorkar leh helai University te nen khan tihzui tur kan nei ta a ni. Khalai kha lo hre ta ila.

Tin, Phék 9-naah khan "The University shall come into being only after incorporation under sub-section 2 of this section", a ti a. Helaia kan sawi kha an tih hunah chuan din a ni ang tih a ni a.

Tin, objects of the University han tih kha a pawimawh khawp mai a. To provide instruction teaching, training and research in specialised fields of finance and management including financial analysis han tih a, accounting te, Banking te, Assurance te Financial Services, Financial Management, Business Management, Law and Education Medical Sciences, Science and Technology an ti a ni a. Tin, B-Tech pawh hi nikum kha chuan hawng nghal rawh u, kan ti kha a ni a, Mahse, heng hi chu nakum lamah kan la hawng ang an ti a. MBA pawh kha nakumah kan ti ang an ti a. Kuminah chuan a bul hi chhete in han tan phawt ila. B.B.A hi hawng rih mai ang an ti a. Nikum khan ordinance hmangin B.B.A kan han hawng ta a. Tunah zirlai 42 kan nei a. Kumin chuan B.Tech. Course hrang hrang hawng thei turin an insawi a nia. 'To establish a campus in Mizoram and to establish centres, campuses and examination centres at different places in Mizoram' tih hi kan han tih duhna chhan chu Bill hmasaah khan at different places an tih bakah khan and abroad.....subject to the approval of Mizoram Government and UGC tih kha a tel. UGC leh Mizoram sorkar in an Approve theih turin hmundangah pawh, India ramah pawh ramdangah pawh din theih a ni ang tih kha kan Law Department lamin an duh loh deuh avangin 'At different places in Mizoram' tihah kan tawp ta thung a ni.

Tin, helai phék 10-naah 'To collaborate with another colleges or universities research institutions, Industry associations professional associations including the council of chartered financial analysts and the society of Certified Public Accountants or any other organisation in India or abroad' tih kha a awm a. 'Abroad' tih kha ngatinge anih leh si tih zawhna a awm thei a. A awmzia chu hmundang nichinah pawh kan sawi kha. Khang kha hmun hrang hrangah thawhpui an nei a, USA, UK, Korea-ahnte an nei a, an lehkhahu siamte lo hmangtute an nia. Tichuan, heng hote nena thawk tlanga a zir lai leh zirtirtute pawh training leh practical works ah programme hmang tawn an nih avangin khami sawina lam zawk kha a ni a, thawhhona tur an nei a ni. Chubakah phék 11-naah khan (h)-naah 'The sponsors shall recruit adequate teaching staff fulfilling requisite criteria laid down by the UGC from time to time' tih a nia. Hei hi UGC an dah ang ngeiin an la zel tur ani tihna a ni. Hei hi kan telh lova. Advocate General lam atanga telh turin an rawn ti a ni. Kha kha chu thildang vak pawh a ni chuang lova. Phék 13-na hi lo en leh ta ila. Hei National Accreditation an ti a, hemi awmzia chu Private University pawh hian National Accreditation hi neih tumin anmahni zawn theuhah an bei ve tur a ni. Entirnan, Mizoram College chuanin National Assesment & Accreditation Council, Bangalore a awm hnuai ah hian Accredited College ni turin hma an la mek a. Pathum phei chu Accredited College anni tawh a, tichuan he University pawh hian Accredited University nituin hma ala ve tur a niang tihna a ni a, quality sang tak tehfung (standard) an fulfill thei turin hma lak tur a ni ang, tih sawina a ni a. Tichuan hei chapter-3 ah hian Officer of the University a awm veleh ta a, Chancellor te, Vice-Chancellor te, Registrar te, Finance Officer te awmtur kha a sawi diat diat a, tichuan Mizoram Governor hi Visitor of the University tih a lo ni dawn a. Tichuan, an tan hun period tur te, kum 5 chhung atan Chancellor te pawh an ni tur a ni a, tihte a ni a.

Tin, Vice - Chancellor kha kum 4 tur a ni a. Tin, appoint leh theih pawh a ni tihte a ni a. Hei Vice Chancellor te chu, University dangah pawh kan hriat angin a hmuna awmchilh a, Executive Officer tak tak tur kha ani a. Tiang chuanin kha kha sawifiah a ni a. Tin, helai chapter - 4 ah hian Authority of the University an ti a, Board of Governor an awm a, Board of management an awm ang, Accademic Council a awm ang, Finance Committee te an awm ang, tih a ni a. Helai Board of Governor ah hian One Representative of the State Government a awm ang, State Government atang pawh hian Representative pakhat chu appoint a ngai dawn a. Tin, Educationist of repute to be nominated by the State Government tih kha a awm veleh bawk a, khang kha State Government in a appoint ve tur a awm ve leh bawk dawn a ni. Tiang khan a inform dan tur kha kan tilang a ni a.

Tin, helai phék 17 (g) ah khan to approve proposal for submission to the State Government, an ti a, State Government a engngemaw an rawn thehluh tur kha he Board of Governor hianin a lo approve dawn tihna a ni a. Tin, Board of Management ah pawh khan one Representative to be nominated by the State Government tih kha a awm ve leh bawk a, helai pawh hian Mizoram sorkarin Representative I chu a ruat ve a ngai dawn tihna a ni a. Tin, Academic Council leh Finance Committee te a awm veleh a, University dang ang bawk khan tiang hian a awm a ni. Tin, chapter 5-ah khan a 'dan' a lo lang veleh ta a, hei hi an rawn sawifiah veleh ta a ni. Tichuan Pu Speaker, kan lo zir chian deuh vek tawh anih ka'n beisei a. Chuvang chuan chipchiar taka sawi pawh ngai lovin hei hi ngun taka kan ngaihtuah a

engemaw hriatthiam loh lai han zawh turte a awm chuan chungie chu inzawh pawh ni ta sela, chhan theih ang angin kan in chhang ang a. Tichuan, a tha mai tawh awm mang e. Tin, a tawp bera hi miscellaneous tih a ni a. Tin, a tawpah pheh 26-ah khan an dan siam leh an rules pawh kha Assembly House ah lay ve tur pawh a awm kha. No. 49-na kha a ni a. No. 50 na sub no. 2-ah pawh khan chu chu sawifiah a ni. Chutiang chuan he ka bill hi min ngaihtuah saka min pass pui turin ka rawn thlen a ni e, ka lawm e.

**SPEAKER**

A tih fiah lutuk dawn emaw ka ti a, a tawp ve ta e, a lawmawm e, le hei hi an sawi tawh ang khan kan Minister zahawm takin a thil pawimawh tak kan thalaite leh kan Mizoram hma khua tur thil pawimawh tak bul intanna tur niin a sawi a. Kan ngaihtuah ho ang a, kan thlan phung thin angin, member 1 in minute 10 in pe leh ta ila a tawh thei mai ang em? Anih tiang tur chuan ti ta ila, tunge han sawi hmasa ang? Aw, Pu Andrew Lalherliana.

**PU ANDREW LALHERLIANA**

Pu Speaker, ka lawm e. Sawi ve kan tum ang a. Hei vawiinniah kan bill pass tura an rawn chhawp chhuah, "The Institute of Chartered Financial Analysts of India University (Mizoram) Bill, 2006" hi a rawn introduce-ah hian, keini chuan kan la chian vak loin ka ring tlang a. Hei a thil tum a rawn sawi, kan University in zirna a rawn thlen turah hian sundawna lampang deuh vek mai Accounting te, Financial Analysts and Management tih te, Business Management an tihna lampang kawh deuh vek mai anih avang hian, chanchinbuah kan hmuh ve te pawh hian hetiang ziahna hi chu Business School an ti mai thin a. Tin, he Bill kan pass tura hi a hming a sei riau mai a, sawi pah hian a lam tawi ICAI han ti mai ila, thiam tawh angin han sawi ve tum ila a tha awm e.

A hmasa berin he bill hi pass tura an rawn chhawpchhuah hi thlawp a tha hian ka hria a. Kan Minister zahawm tak pawn a hmalakna hi a zahawm hlein ka hria. Hei Mizorama kan lekhka zirna pangngai tak BA, MA, B.Com, M.Com, B.Sc, M.Sc kan tihte leh tianga conventional subject reng renga rawn pass chhuakte hian tun hnaiah hian hna hi kan hmuh hlei thei tawh lo a ni a. Chuvang chuanin, lekhathiam hna hmulo te hi kan tam em em tawh mai a, kan sorkar policy lah hi Budget atang hian han en hian hna tihlem lampang hi a uar viau bawh mai si a. Thalaiten hnathawh tur awmlo avanga an harsatna employment problem han solve tur pawh hian he Business School a zir chhuakten company lianah te hna te an hmuh theihna tur leh Business House hrang hranga hnate an hmuh theihna tur anih chuan hei hian kan thalaite harsatna tam takin a chhawh zangkhai ang tih ka ring a.



Hei kan hrelo mai mai a vawiinniah hian hetiang zirna pakhat pass ve turin kan rawn chhawp chhuak a ni ta a. Tunah India ramah hian hetiang University hi 1700 chuang lai awmin kumtin zirlaite pawh hi singkua chuang an in admit thar rengna a ni a. 1991 chho atanga India ramina Economic reforms a han neih chhohah nasa tak maiin India ramina hma a rawn sawn chho va. Company liante lo thang nasa em em in chutiang Business House te chu nasa takin a lo pung chho ta a ni a. Khanga thawk tur khan hetiang Business School atang hian a sing tel tak meuh rawn pass chhuak hian harsa miah lovin hna an hmuchho zar zar a ni tih hi kan hria a. India ram hi hetiang vang hian hma a sawn hle a ni tih pawh hi a lang thei a.

Hei nikum June ni 13, 2005 "India Today" chhuakah phei chuan India ram hi hetiang school lamah hian khawvelah a hmingthan zia leh khawvela company lian sawmnga chuang America te, Europe te, Middle East te, leh Asia ram changkang hmun hrang hrang Company lian atangte pawhin khatiang company 50 chuang khan India rama Business School a chhuak a thiam ber te inchuh hian tih tak meuhin hma a rawn la e tih a ni a, a lawmawm hle in ka hira. Chutiang khawp chuan India ram pawn hma a sawn a. A tha ber zawk phei chu ICFAI kan tih ai mah hianin IIM (Indian Institute of Management) chu zirnaah pawh a tha zawk a. India ramah top class an tih ang tak tak hetiang IIM School te hi la lut thei nghe nghe ila chu duthusam a ni. Chutah chuan han sawi ta ila IIM hi India ramah a thatna lamah pakhatna leh pahnihna leh pathumna a la hauh a, a dang hrang hrang ten an hauh ve bawk a, he ICFAI kan pass tur tak hi chu India ramah a that lamah hian 14-na a ni a. MBA bikah hian tlein an lo tha ve deuh a ni ang 8-na a ni nghe nghe a ni. Engpawhnise 14-na pawh nise 1700 chuang awmnaah chuan tha ve tawkah ngai ila heta Mizorama din turah chuan kan chhawr hle in ka ring a. Tahchuanin thil mak deuh mai chu a tha ber IIM hi tun kumah hian Meghalaya Shillong-ah khuan din tura buatsaih mek a ni a. Engtingge an tih bik aw ka ti a, keinina ICFAI te a tha hle tawk e kan ti a, vawiina kan pass tur chiah hi. A aia tha fe mai India rama a top ber IIM hi tunah hian Shillong-ah an lo din dawn der mai a. Politics lampanga hmalaknaah hian kan tlang mipuite hi kan tluk lo fo mai thin hi erawh chu pawl ka ti ang reng khawp mai a ni.

Amaherawhchu ICFAI pawh hi tawkah ring ta ila. Hemi a chhuak tam tak te kan Mizo te an la awm ve theih chuan company lianah te Business Manager thleng a thawk tur hian kan thalaite pawh hi an chhuah ve theih ka ring a. A Bill body han en hian a tha tawk viau e tih lain hmun pakhat laiah hian engtin emaw tih danglam dan a awm lawm ni kan hnam dinhmun en hian kan la changkang tawk loh naah hian. A section 9-naah hian a dik lohna lai sawi ila University hi mi tupawh eng class pawh, eng sakhua pawh, eng tawng pawh, eng hnam pawh, sawi bik lovin mi zawng zawng tan hawn a ni a tih hnuaiah hianin "provided that nothing in this section shall be deemed to require the University from making special provision for admission to students of the State" a ti a. Heng hi kan hriatsual nge ni hetiangah chuanin ama State chhunga zirlaite tan pawh hemi admission chungchang thua hian Dan Special a siam ngailo ni tura tih ang khan kan letling ngawt a, a dik em ka hre lova. A awmzia chu keini tan kan State-ah pawh nise special taka admission tan hian keimahn tan a din theih bik lo niawm tak a nih chuan kan Education quality ka ngaihtuah hian hnamdang baw mai hi a lut tam ber an ni ang tih ka hlau deuh hlek a. Chuvang chuan ka letling diklo nge ka hre lova, a theih hram chuan Mizo zirlaite tan hian a bikin special provision siam theih ni rawh se tih zawngin kal ta selangin a tlem berah 50% tal emaw hi hauh thei ila a tha in ka ring a. Chu chu ka chhiar dan hi a dik em ka hre lo Pu Speaker.

Tin, he Bill a rawn putlul danah hian kan Minister zahawm tak hi ka fak khawp mai. A chhan chu nikum lam atang tawh khan he Bill hi rawn putlul tumin rawn introduce hma hian opposition lam te pawh min sawm khawm a. Kan Opposition Leader te pawh a sawm a, min discuss pui a. Tin, Consultative Committee min ko a. Chutiang chuan kan hriatthiam loh lai zawng zawng kha expert team te nen min hrihfhiah in theih tawpin hma a la a. A mam lo lai te a awm em, sawi ve duh te in nei em tiin min rawn a. Chutiang chuan mam tak maiin mipui aiawh awmte Opposition lamte ni mah ila min rawn a. A lawmawm hie in ka hria a. Chuvang chuan keini pawhin lawm tak in hengte chu thlawp chi a lawm tiin a rawn pulut ta a ni. Bill kan put luh tur reng reng hi Pu Speaker a nihna dik takah chuan Opposition lam te hi a ruling lam nilo mah ila a mipuite aiawh kawngah hian mipui tam zawk aiawh kan ni. Kan ngaihdan te lak fo a hmasain a tha a. Tin, fello lai te a awm em han tih a han chul mamna tur pawh hian kan tangkai ve theihna tur leh Zoram tana tha tha tih ve theihna hun te a awm em tih min zawt a, chutiang a min rawn rawn ve thin nisela chuan bill reng reng hi helaia putlul tur hi chu kan pass awlsam viau thin ang. A chhan chu a hma a kan lo chai tawh thin anih avangin. Chutiang chuan kan Minister zahawm tak hian hemi bill chungchang thuah hian hma a rawn lak avangin lawmawm ka ti a, thlawp awm ka ti. Chuti nilova a ruling lam pangin ban tam chhuang a kan nawr tlang tho tho ang ti a rawn putlul a, kan pawmluh pawh a min nawr tlangpui tur ang chi a rawn putlul a hi chu pass mah ila kan sorkar hunah kan thiat sak ang tih hi ka sawi ngam tlat a ni. Chuvang chuan Bill kan putlul te leh ram tan a thil tha tur reng reng helaia kan chhawp hi opposition lampang te pawh mipui aiawh ve nihnaah hian in rawn tlang thin ila, kan in rawna kan chulmam tawh hnuah hian he House ah hian lawm takin lunglawi taka kan pass tlan thin theih tur a ni a ni. Chuvang chuan hei kan bill kalphungah hian vawiinni a kan bill pass tur hian hma tha tak a a hruai avang hian vawiinniah kei chu thlawp awm ka ti em em a ni. Chuvang chuan ka lawm hle a, pass pawh pass ila. Tin, hma pawh chak takin la nghe nghe ila tha in ka hria a. A lawmawmna dang leh em em chu kan State sum hman ngai miahlo anihna hi ropui ka ti a. Kan sum leh pai hman ngai lovin an rawn din ma tur a ni a, a thawven thlak em em mai a. Kan hamthatna tur si a thawh ve ngailo hetiang kan nei tur hi a lawmawm tak meuh a ni, Pu Speaker, ka lawm e.

PU LALDUHOMA

: Pu Speaker, ICFAI din a tha ang em tih ngaihtuahna a awm tantirh atanga ordinance siam leh vawiinnia bill tak tak hmel kan ha hmuh thleng a changtu Minister zahawm takin ka hma a Khawzawl bialtu zahawm takin a sawi anga hawihhawm tak maia in rawn tlang a a bul atanga a tawp thleng a a rawn ti hi a zahawm ka ti a, a chungah lawmthu kan sawi ve duh a ni. Eng eng emaw hriat thiamloh te clarification ngai deuh te ka rilruah a awm a. Section 3 naah hian hemi University din a nih dawna dilna an siam ruala a sponsor nia a tihchian nghal tur engemaw thil tam tak a in ziak a. Chung zingah chuan Section 3(2)(j)-ah hian concession te, rebate te, free ship te leh

scholarship te, hnam changkang lo bikte atanga zirlai lo kalte duhsakna leh ngaihnhathiamna pek dan tur a inziak a. Hemi chungchangah hian a sponsor hian an rawn dilnaah hian eng chiah nge an rawn thil tel a, eng chiah nge, keini a ram neitute tan hian concession min pek dawn tih kha billah hian a lang ve ta lova, application-ah chuan an tilang tur a ni tih a ni a. Nichin khan Minister zahawm tak khan fee-ahte pawh a chanve laia tihhnam sak kan nih tur thu te a sawi leh a, chu chu khawilaiah tak hian nge tan chhan tur chu a in ziah? A bill a lo lang chin chu ti zawng hi a ni mai si a, an application ah khan eng ang chin nge an inhuamna an rawn tarlan chiah tih vel kha hriatchian a tul hlein ka hria a.

Tin, Placement Assistance an tih Employment chungchangah te pawh a zirchhuak 100% chuan hna an hmu zel e tihte chu bengin kan hria a. Amaherawchu, a bill ngeiah hian he University hian a zirlai chhuakte chu Employment an hmuh theihna turin tan a lakpui ang tih ang emawte hi chu provision engemaw awm ve thei se chu a ngaihngam thlak lehzualin ka hria a.

Tin, a hmasa lamah khan Non-Teaching Position-ah chuan Residents te duhsak bik an ni ang, preference pek an ni ang tihte kha kan sawi riin ka hria a, tun bill-ah hian a lang ta lova, khang ang lai kan inhumhalh theihna tur bik lai anga kha kan ngai pawimawh a ni.

Tin, section 8(g) ah khan, tuna kan sawi lai taka hi a in ziak nain a constituent college-ah te, University-ah te, Affiliated College-ah te, Regional Centre-ah leh Study Centre-ah te, Mizoram chhunga mite tan Special Provision a siam ang tih a awm a, kha kha a lawmawm hle laiin section 9-na hian a paih em aw ka ti a. Tuna Khawzawl bialtu sawi chiah kha ka rawn sawi nawn ve duh a. Section 9-na hian he University hi tawng chi hrang hrang, sakhaw hrang hrang tan a in hawng tlang ang tih bik awm lovin a tih rual rualin a hnuia proviso hianin a thiat leh si a ang tlat. He provision hi "Hemi avang hian a State chhunga naupang in admit na atan special provision siam tul tihna a kawk lovang" tih ang deuh ani lo maw? Chuti anih leh si chuan section 8(g)-na khi a rawn thiat tlat a ni. Chuvangin 9-na a proviso chin hi paih a tha lawm ni? kan Minister zahawm tak leh mithiam ten hei hi ngun takin bih sela, kan rilru a kan tum leh kan duh chu a thuhmun vek ka ring a. Helai tak hi nakinah harsatna kan tawh theih phah hlauin fimkhur thilah a rawn sawi chian atan ka rawn point out duh a. Tin, uar bik atan chuan Centre for Entrepreneurship Development han tih te, Business School han tih te, heng ang hi a course rau rauah hian kan ram hian kan la mamawh zual a ni. Privatisation te kan sawi a, IT lamah te pawh hma kan sawn zel a, IT enabled services han tih angah te, hei Call Centre te pawh Aizawlah te a awm ve hun a la awm ang a, tuna kan DOAECC atang ringawt pawh sawn naupang 300 chuangin hna an hmu tawh a ni. Khalam pang a kan kal chak leh zual theihna atan he University hi a tangkai dawn in ka ring a, chulam chu uar thei se ka duh thu kan tarlang duh a.

Tin, thil hlauhawm deuh hlek pakhat ka hmuh leh a chu section 27-ah kha n 'statutes' siam chungchang a awm a. Kha kha State sorkar a thehluh a, State sorkar pawmpui ngai ani tih a ni 27(1) ah khan, Amaherawhchu, section 28 ah khan Board of Governors in State remtihna la hmasain a thar emaw additional emaw

siamin a amend emaw repeal emaw thei ang tih kha an awm leh a, hei hi kei chu ka duhdan ani lova. Board of Governor ho ina a thar emaw additional in an siam a ni emaw, amendment an siam emaw, repeal an siam emaw reng reng kha State sorkar approval ngai tura tih ni zawk se kan him zawkin ka ring a ni.

Tin, section 30-naah khan rules siam dan a awm a. Chutah chuan Board of Governors in rules an siam ang a, State sorkar pawmpuina approval an la ang tih ani a, a tha em em a. Mahsengin section 31-na khan chu thuneihna chu awmze nei lovin a siamin ka hre flat mai a, ka hriatthiam loh vang nge ni Board of governor's pawh nilo, a aia hnuai a Committee ti mai ang academic council khan board of governor's hnuai, board management phalna chu la in dan belhchhahna emaw, dan thar emaw an siam thei ang a, dan dinglai an ammend emaw an tibo emaw thei ang tih kha an chuang ta daih mai a. chuti a nih chuan helaia rules siam theitun a siam state sorkarin a pawmpui ngaia a lo dah thlap tawh kha vawikhat chu an han pawmpui na anga nakinah academic council khan kha dan siam sa kha a pumpui pawhin a thiat vek theina a thar pawh a duang thei dawn a. State sorkar approval lakna tur hi a awm ta miah lova. Hei hi Loophole lianpui niin ka hria a. Chumi ka hlauhthawna chu a dik a nih chuan Pu Speaker, siam that phawt a thain ka hria a. Tun session la la-ah pawh hemi te lek chu a theih maiin ka ring a. Hetiang thil hlauhawm awm chung chung a kan pass mai lohte hi a tha zawk ang em aw ka ti a ni. Amendment leh repeal tihte, dan thar siamah te reng reng state approval a ngai ta miah lo mai a. Academic council in lak duh in an khawih thei ringawt mai tur kha chu State sorkar kan inrawlh thei dawn tawh lo reng reng tihna a nih avangin a hlauhawmin ka hria a. Chung laite chu hlauhthawna kan neih ve deuh kan din chhuahpui mai a ni a. A dang hi chu a tha a. Kan ngaihtlak tawh angin sensote pawh kan tih a ngai lova. Tun kan dinmunah chuan hetiang hi kan nei lo. Kan rama Educational institution kan neih laite kan duhtu a sam loh viau laia hetiang thil kan rama lo awm tur hi chu a lawmawmah ngaiin pass pawh tha ka ti a. Mahse, khatiang ang hlauhthawm awm thei thil kan pass tel palh dawn erawh chuan enfiah deuh zet te pawh a that ka ring a. Kan Minister zahawm takin hlauhthawm awm loa a hria a min hrihfiah thei a nih erawh chuan ka pawm tho va. Ka han thir ve mai dan erawh chuan hlauhthawm awm a awm deuh hlein ka hria a. Chutih thil lovah chuan lungruah taka pass theih niin ka hria. Ka lawm e.

**SPEAKER**

Minister lam kha chu Caninet a in pass tawh kha a ni a. I han sawi dawn em ni. A nih leh School Education Minister han interview sela.

**Dr. R. LALTHANGLIANA  
MINISTER**

Pu Speaker, thildang nena in an loh deuh hlek avangin han sawi ve ka chak deuh a. Tin, Cabinet a kan sawina lai thil tam tak a

awm laiin he House-ah hian hetiang bill pawimawh tak mai a lo lut hi a lawmawm ka ti khawp mai a. Kan Minister a puluttu chungah te, tin, hei kan ruahmanna sorkarin a kalpui lai mek a a kul a taia zin chhuak a India ram hmun hrang hrang tlawhtu Dr. L. N. Thuanga leh a thawhpuite a bik takin vawiinniah hian an chungah lawmthu sawi a thain ka hria a. Tin, kan opposition member zahawm tak tak te min pass pui dawn nite in ka hria a. Boruak tha tak kara kan han sawi theite hi lawmawm hlein ka hria a. Mizoramah hian University Pu Speaker kan nei a. A University pangngai chu kan hre vek a, tun hnaiah chumi hmain NEHU hnuaiiah kum rei tak kan awm a. Kan pachhiat ziate, kan duhthu a sam loh ziate tunah pheih chuan Meghalaya University a ni ringawt tawh a. Chutiang khawp chuan vawiinniah hian kan ramah, tlai takah University thar kan han nei a. Amaherawhchu, kan University hi kan hriat theuh angin, thil tam tak University khata awm tura kan ngaih, la awm theilo a awm mek a. Tin, vawiina kan han sawi ICFAI University bik ina a han hma tur ang chi hi chu University pangngai a a course a te hi dah remchanglo tak tak te ani tih kan hriat ka ring a, chumi karah vawiinniah hian a bik takin kan thalai rual tam tak ten a bik taka hna an hmuh theih na tur kawng zawng, hawizawng bika zirna kan han nei thei tur hi a ropui ka ti khawp mai a, hetiang bill kan han nei thei hi kan sawi hmasa duh a. Chuvang chuan thalai te hmakhua tak tak ngaia he bill hi lo lut niin ka hria a, ram pawnah zirna tam tak, zirna lamah hetiang hawi zawng hi a awm tawh a.

Tin, helaiah hian lawmawm deuh mai ka tih a chu Pu Speaker, University tam tak Private University India ramah 1700 tih bawr vel a awm tih pawh kha a dik ka ring a, chumi rual rual chuan tunhnaiah kan hriain ka ring a, chanchinbuah te, nikum te nikum hmasa lamah te University tam tak Private a ding te hi chu de-recognised a ni a, naupang tam tak kha harsatna an tawh a, an zir laklawh lai khanin recognition an nih loh avang khan harsatna an tawh nasa khawp mai a, chu avang chuan Supreme Court te pawhin na tak tak in action a la chho a ni tih kan hria a. Chumi karah chuan vawiinniah kan thil tih mek kan sawiho mek ICFAI hi chu All India Council for Technical hnuaiia hetiang a ni pawhin a a han hriatpui ngei a awm a nih bik a hi a him a ni tih hi kan sawi duh hrim hrim a, him lo tam tak University a awm a, zir lai tam tak a sing nuai tel dawn vawiinah India ramah zir lak lawh Private University a admission lo ti tam tak nu leh pa pawhin an mangan pui, an kal chhoh zel tura buai tlai an awm lai a, vawiinniah hian khatiang hawi zawng legal thilah pawh University ina mumal taka a recognised leh chhawn ang chi kan han nei hi a danglamna a ni tih kha kan sawi duh a, chuvang chuan vawiinniah a kan han pass thei tura hi lawmawm ka ti khawp mai a.

Tin, chu lovah chuan, Mizoram chhung ngei a kan han nei thei hi a ropui danglam khawp mai tunah hianin ram pawna kan Mizo naupang te, zir lai naupang te kan thawnchhuah avanga kumkhat a kan senso hi engzat nge ni ang aw ka ti a. Hmanni lawk khan Bangalore-ah kan zu kal a, Bangalore-ah pawh khuan a hlat tehreng nen, zir lai naupang Mizoram atangin 1000 an lo tling der tawh. Tiang khan a hautak khawp mai a, nu leh pa rethei te te maiin harsa tak chungin Mizoram a zirna a awmlah avang khan kan fate kan kal tir a, vawiinniah erawh chuan kan kailawn ngei atang a zirna kan han nei thei tura hi a ropui hlein ka hria a, nu leh pa tam tak te kan chhawk zangkhaina tur niturah ngai ta ila. Tin, ICFAI hi kan sawi tawh angin general line a BA/MA khatiang lam hawi zawng nilo management course tam tak multi disciplinary study centre ang a ni a. Management course hrang

hrang Professional course te, tin, Financial Management Course te leh Computer IT lam te pawh ti zel turah ngai ila. Course tam tak, hna hmuh loh theihloh tur ang khawpa tha tur ang a a ngaih a ni a. Pu Andrew a khan India ramah 10-na bawr vel a ni a pakhatna tihlai kha a dik mai thei a. Engpawhnise, sawmna bawr vel kan chang hrim hrim a hi chu a chhe lo turah ngai ila. India ram zau takah.

A tha ber pawh nei ila a placement chungchangah hi chuan kan chhiat ka ring lova. Placement a zirchhuak ten hna an hmuh ngeina turin, hmanni khan Pune-ah khuan Mizo zirlai a awm a, DCA a zirzo tep tawh 11yrs a tihchhoh tan dawnin an lo hre khawp mai a. Japan Tokyo Company lian tak Computer Company chuan kha Mizo naupang kha chung chuang bik a ni bawk a, 100% a score deuh fur a, khatiang kha an lo vang viau a ni awm a, an rawn hre nawlh mai a. A zir zawh hma in Japan Company lian tak kan ni a. India pawisa a nuai hlawh theihna turah hian tiin an lo book tih an sawi a.

Khatiang khan hlawh a tha bawk si a. Kan zirlai tam tak BSc leh MA pawh Mizoramah hna an hmu tawh lova, an hmuh pawhin a sang tha lam a contract basis ah te kan chhawr a. Chumi karah chuan vawiina kan thil sawi, kan thalaite zirchhuak chuan hna hi an hmuh ngei ngei dawn ang a lang bik lai tak hi a ropui leh hlutna niin ka hria a. Chuvangin, kan ngaihtlak ang khan DOAECC atang te pawhin mi engemaw zatin hna an hmu tawh a. Kan Course a te saw sang lutuk ala ni lova. Tun a University status nei a kan neih tur atanga zirchhuak te chuan India ram hmun hrang hrangah hna an hmuh theih a beisei awmin ka hria. India ram pawn thleng a hna hmuh theihna ang chi bika a bill kan han pulut thei hi a lawmawm ka ti a.

Chuvangin, vawiinah hetiang bill lo lut hi kan pass tha in ka hria a. Chutih karah chuan kan member Pu Duhoma sawi fimkhur ngai lai a tih pawh kha a dik tho mai thei a, a vawikhatnaah chuan felfai tak a kal a harsa viau mai thei a. Mahse, a bill hi Mizoram kan rorelna a kan pass chhoh a kan kalpui chhoh chuan kan ta tur anga ngaih theih tur ang khan kan cheibawl thiam turah ngai ta ila, tin, felhlel leh nakin atanga tha lo a awm anih pawhin kan ennawn theih dan awm tho turah ngai ta ila. Chuvang chuan, Pu Speaker, a lawmawm hle in ka hria hetiang ang bill putlulh a lo nih hi kan pass ngei tha in ka hria a, kan sawi ve a ni ka lawm e.

PU LALHMINGTHANGA

Pu Speaker, ka lawm e. Kan Minister sawi kha i khap dawn emaw ka ti a, ka ban kan phar zuai a, a tha tho ve.

He bill hi keini Legislature hian kan rawn support a. Tin, ka hma lamah khan member zahawm tak tak Khawzawl bialtute khan an rawn sawi tawh a. A tobulah kan Minister hian hma a rawn laknaah opposition lam a Legislature hrang hrangte pawh mumal takin min ti ti pui a, chumi bakah chuan a hmun ngei a zuk zirtute nen khan inhmuhnte min siam sak a. Keinin kan hriatthiam mai theih loh a awm dan min hrihfiah a, chu chuan Party lamahte pawh support kan mamawh dawn a tiin kan Minister chuan

thu min chah a. Party lamahte pawh heng hi kan lo sawiho tawh a, ordinance tih chhoh atang leh a hnu lam zelah hian he ICFAI atan hian Legislature Party mai bakah kan Party hian tha kan ti a. A chhan bulpui ber chu kan hriat theuh angin tunlai khawvel hmasawwna a kal chak a, kan University neih tam tak tunhma ami statement of object kan Minister in a rawn sawi ang hian conventional academy pangngai hi chuan khawvel mamawh hi a phuhru zo tawh lo em em a. Chuvang chuan, ICFAI in a tum ang oriented tin, academic piah lamah practical management chutiang zirna chu khawvel hmasawwna in a mamawh a ni a, a bik takin Mizoramah kan mamawh em em a. Kan in chhuan vena thin pakhat kan sawi fova, literacy percentage ah a sang ber zinga pahnihna kan ni a, Kerela hi kan la umpha lo deuh tiin kan sawi thin a. Anaherawhchu, hemi kan Academic kal pangngai hrim hrim erawh hi chuan kan thangtharte leh nula tlangval te tan hian hnathawh tur a pe hranpa thei tawh lova. Tin, Mizoram sorkar dinhmun ni sela hna thar leh post creation chungchang hrim hrimah harsatna kan tawh nasa em em tawh a. Khatiang kha a ni a.

Tuna ICFAI hi hetiang a lo din a course chi hrang hrang helaia section-7-nain a rawn tarlan in a sawi, heng Finance management te, Financial Analysts te, tin, Charter Account lampang te, tin, Accounting te, Banking te, Insurance te, Financial Services tihte, Financial Management te, Business Management tihte, Law Education te, Medical Sciences tihte bakah khan Technology dang IT tihte nen lam a rawn huam chho dawn a. Hei hi tun dinhmuna kan ramin a mamawh em em a ni. Tin, Medical Sciences bikah hian Minister pawhin a rawn sawi lan ang khan allotted seat kan neih hi a flem tham em em a. Zirlai tam ber ten heti lam hi an lunglen leh an beisei berte a nih lai hian kan Mizo nula tlangvalten zir theihna seat an nei tawh mang lova, General Competition-ah ni sela tiin a har viau bawh si a. Heng ang hi keimahni ram ngeia Medical College te heng hian a rawn ti chho dawn anih chuan heti zawng pawh hian ansa takin luna kan sawn dawn tih a lang thei a. Tin, kan expert team ten an zuk thirna report-na bu kan han enah khan he University a line hrang hrang atanga pass chhuakte tan hian hna hi a harsa lo a ni. India ram chhungah changlo pawh khawvel ram hrang hrang leh sorkar hrang hrang bakah corporation hrang hrangte, company hrang hrangah te an in hnuin phum zung zung a, tin, an research hi a that em avang hian anmahni hming hrim hrim pawh hian khawvel a deng chhuak a. Tichuan, Business firm hrang hrangin a hnenah hian an mihring requirement turte an rawn pe thin in chutiang chuan anmahni zirlai te emaw pass chhuakte tan va zawn em em pawh ngai lovin amah University zawk hian chutiang thleng chuan a ngaihtuah pui thin a ni tihte an sawi a. Khang ang tak te kha kan hnamin a mamawh leh tun ang dinhmuna kan mamawh ngawih ngawih a ni tih kan hretlang theuh a.

Tin, a dan chungchang thuah hian han sawisei tur em em a awmin ka hre chuang lova, tlema ambiguity i ti mai ang, Chiang tawh lo a neih kha chu ka hmalam member sawitute khan an rawn point out tawh a, thil pakhat kan sawilan duh lai erawh chu hemi financial memorandum tihah hian rawn ziak lan a ni a, keini state in engmah va contribute ve lova, anmahni funding liau liau a ni tih hi a rawn sawi lang a. Tin a tirah pawh khan tiang anga bill siam hma pawh khanin chutiang ang concept chuan ICFAI hian University rawn din a tum a ni tih sawi tawh a ni a, tunah hian financial memorandum ah ziah lan leh a ni, helai hi engkim kei chuanin a tha lutuk hi a chhungrilah engemaw a awm palh a ngem tih kha chu a firte atang a kan ngaihtuahna a ni a. Hetilaiah khatiang management tha kan neih a, anmahnia financial autonomy self-sufficiency nei tur khan a zirlaite hnen lamah hian sum leh pai hi an la uar viau dawn em ni ang, a lehlamah chuan keini tan

kha chuanin ramdang state changkang tawhte aia Tripura lamahte an lo tih tawh anga kan Minister in a lo sawi lan ang khan concession pawh min pek chu an tum deuh chu a ni si a, tihlaia hi a tirte atang khan ka rilruah buaina lai a lo awm a, chu chu kan Minister hian nakinah a wind-up naah te chiang zawka min hrilhfiiah theih chuanin rilruin khilai kha chu thlamuanna kan nei chho ve leh mai ang a, amaherawhchu, heti em em a mi duham lo leh self-sufficient a awm tur keini hi beneficiaries ang vek tura han tih hi a theih dawn em ni. Sector dangah te kan nei tha in helamah hian chumi chuan min manage sak dawn em ni ang, tih angte in kan ngaihtuah a, chu chu kan Minister in minrawn hrilhfiiah atan ka duh a.

Tin, hemi statement of object and reasons hi chu a convincing tha em em in ka hria a, vawiina kan discussion thawm lo hriat ringawt leh entute tan pawh hianin thil phurawm tak a ni a, a chhan chu tunah kan ram chu state te tak te leh a population pawh tam lo tak pawhin unemployment problem hi kan buaipui em em a ni tawh a. Kan Education Minister zahawm takin a sawi ang khan kan lehkhathiam title nei tha tak tak te pawh hi conventional academy anih avang khan ramdangah hna han zawng sela harsatna tam tak an tawh a, kan state chhungah ngei pawh harsatna an tawh thin a ni a, contract basis in mithiam tak tak leh zahawm tak tak te hlawhbniam deuh hleka rawihte a lo ngai a, an zirlaia nu leh pa ten an ngaihtuah phu lo tak mai hna hniam an thawhte kha a ngai ta a ni. Amaherawhchu, heng line hrang hranga management job oriented a kan naupangte an han kal hi chuan Mizoram chhungah ngei pawh hei kan mi hausa tam takte hianin anmahni chhawr tangkaina tur pawh an nei chhoim Privatisation Policy te pawh hi kan nei chhoim a hlawhtling chhoim khata tan kha man power tha kan siam theihna tur a ni ang a. Tin, a Mizoram pawnah pawh India ram hi IT ah chuan khawvel ram pumpui hriatin hma a sawn nasa em em a. Tin, a production pawh a sangin International Market-ah pawh a product te hi a man power leh material pawhin nasa takin export a ni a. Chung zingah te chuan kan thangtharte leh thalaite hi chu tam tak hemi University kaltlang hian an chhuak thei ang tih kha a zuk rin nghal theih mai a. Chuvangin he bill hi bill tha tak leh House tan pawh pass nuam tak a ni tih hi keini ngaihdan chu a ni a. Tin, chumi rual chuanin a zoram mipui hrim hrim tan te, a bik takin thangthar nu leh pa rethei deuh hlek anmahni ina thiamsa talent tha dawng si, Mizoram pawna to zawka lehkha zir tura kal hlei thei lote tan te, hetilai Mizoram chhungah ngei hetiang a awm tur hi a pawimawh tak zet a, chuvang chuanin he bill hi bill tha tak a ni e, tih kha kan ngaihdan kan sawilan duh chu a ni a.

Tin, Mizo zingah hianin hei kan buai lai riau chu Chartered Accountants te hi kan la nei chiah lo a. Pu Speaker, tichuan kan organisation then then an account te, Chartered Accountant in a audit a, a certified si lova, settled hleih theih loh India Sorkar lian te pawh kan nei nual a, kan Kohhran hrang hrang te pawhin khang kha harsatna an tawhna thin a ni.

Tin, ram pawnah an va kalpui a, an nin to tak an lo inchhiar a, chung chuanin harsatna tam tak a siam thin a ni. Heng ang University te kan lo neih kha chuan khatiang zawngte khan qualified Chartered Accountant te pawh helam atang hianin anrawn chhuak ang a, chu chuanin kan Kohhran te leh heng Organisation hrang hrang Account audit ngaite pawh a hmun ngeiah tlawm zawkte pawhin audit tir theihthe an ni ang a. Chutiang



chuanin a thatna pawh hi a tam em em a. Chuvangin, he Bill hi kan Legislature Party chuanin lungawi takin kan support a ni tih kha kan sawi a ni e. Ka lawm e.

**S P E A K E R**

Pu Khawpuia kha a phar hmasa deuh berin ka hria a. Minute 10 chiah chiah chawhma lam atan ala awm a, in sawm ang hmiang Pu R. Khawpuithanga.

**PU R. KHAWPUTHANGA**

Pu Speaker, ka lawm e. He bill hi Bill ngaihthlak nuam tak a sawituten an sawi apiang mai kha ngaihthlak nuam ka ti a. I dinglan leh veilama mite kan lungual hle dawn niin ka hria a. Mahni state lamina sum tum ngai silo a zirehhuakte tan pawh hna hmuh zung zung theihna tur chi ni bawk si, zirna quality sang ni bawk si, kan rama he chanchintha lo thlang hi thil lawmawm tak mai a ni a. Engtingge, hetiangte hi kan Chief Minister te hian an lo hriatchhcuah le, han tih mai tur a ni a. Hei MBSE-ah tunah hian Member-in ka awm ve a, kan zirlai standard te kan thir thin a. Employment oriented zawnga kal dante hi a awm em tihte pawh hi ka zawt thin a. Mahse, kan daldan pangngai bak hi engmah sawi tur har zawhchhuah tur hi a awmlo in ka hria a. Chuvangin, kan mithiam tak tak te kan tu leh fate hian M.A. pawhin B.A. pawhin Engineer-te pawhin hna an hmu tawh lova, kut hnathawkin an inhlawh nawk nawk mai a ni. Chu chu kan dinhmun a ni a, hna hi pun lam aini tlem lam a pan zel bawk a ni. Chu chu anih avangin he bill hi pass makmawh niin ka hria a.

Mahse, ka hma-a miin a sawi ang a ni e. Engtingge, hetiang private University hi din a lo nih a, anmahni a dintute an hlawkna hmun tur engmah a awm silo hi an rawn tih theih aw, tih lai kha a ni a. A rinhleli awm rum rum tih theih a ni a. Mahse, a zuk enfiah nute Hyderabad lama zuk kal mithiamte pawh khan Missionary rilru puin an thawk a ni e, an tih kha an rawn hmuhchhuah dan atang khan, chutiang rilru pu tan lo chuan lei, han en hian khawilaiah khan nge maw, a dintute khan hlawkna an hmuh ang le, tih kha ngaihthuah chhuah thiam theih pawh niin ka hre lova. Bank an rawn din chuan sundawmna a ni a, hlawkna an hmu nghal tih a chiang a. Mahse, tuna mi tak hi chu a englai kha nge an rawn dinchhan ang tih kha hemi a dan leh a bu han an atang pawh hian hmuhchhuah tur a vang hlein ka hria. Financial Memorandum ahte pawh hian a chiang a, statement of object and reasons tihah te pawh hian a kalhmang tur chu a khaikhawm tha hle a.

Tin, a indin dan flangpui hi self explained vek a ni bawk a. Hriat loh lutuk tur pawh a awmin ka hre lova. Mahse, Ratu bialtu zahawm takin a han sawi lai kha tuna ka han sawi tur lai tak hi a ni ta em ka hre lova Right to Appeal 33 Chapter-6 na lai hi chu en ngun a va ngai em ve aw, ka ti deuh a. Employment ten emaw zirlai ten emaw complain an neih khan Board of Management ah khan a chung ami te emaw Principal te leh Officer te pawhin a an thu tih tuk ah khan Board of Management in an final thei mai dawn em tih kha alang a kan Cabinet pawhin an

lo vet tawh si karah khan a him tawh turah ka ngaia. Amaherawhchu, kan thlirna atang crawh hi chuan hriatthiam a har deuhvin ka hria. Ka hma ami te sawi 50 % Mizo fate tana hauh ve theihna kha a awm ve thei dawn ami rules atangin nge ka hre lova, khangte kha a awm zel thei dawn anih chuan harsatna a awmlo tihna ani mai a. Chuvangin, ICFAI Bill a hi a ropui hle in ka hria a. Kan ram in kan mamawh tak ani bawh a. Chuvangin hei hi sawi thui ngai lovin kan lungrual tlang viau anih chuan pass mai a tha lawm ni. Ka lawm e.

**S P E A K E R**

: Minute 5 ala awma chawhma lam kan hun chu kan hmang zo ah kan ngai anga kan chawl rih anga, chawhnu dar 2 ah kan tan leh dawn nia.

Meeting adjourned 1 : 00 P.M.

**S P E A K E R**

: ICFAI Bill kan chai mek a, a move tu Minister baka mi panga dangin an sawi tawh a. Helam kilah hian phar an awmin ka hria a, kan chhonzawm leh dawn a Pu H. Liansailova i lo sawm ang.

**PU H. LIANSAILOVA**

: Pu Speaker, ka lawm e. Kan bill ICFAI bill 2006 kan sawiho ah hian chawhma lam khan kan Member Senior zahawm tak tak ten hemi chungchang a han sawi awm tak tak kha an han sawi tawh nain han sawi ve leh ka duh a. Pakhatna ah chuan in ICFAI University din turah hian kan Sorkar pawhin funkhur takin hma la nii n ka hria a. Hriatur pawmawh leh tulte an hriat hnu-ah Opposition MLA te pawh mi an rawn a. Tin, information an neth theih ang ang min pek leh kan expert Committee ten an lo zir tawh nate leh an report-te pawh ziakin min pe a. Chung kan hmuh leh kan han sawiho atangte, tin, hetiang zirna hi kan tunlai mamawh leh a bikin kan ram atan phei chuan thil thar kan mamawh tak mai ni a kan hriat avangin kan hotute pawhin an phurpui viau va, kan hriat theih chin tawh hi rintlaka ngaiin kan Minister pawh kan inkawmkhawm ni ah pawh tih ran ava tha ve, State dangin min lo tih khalh leh hman tur te a nih phei chuanin, ti hial khan kan hotuten an phurpui thu pawh sawi niin ka hria a. Keima mimal pawhin he thil hi lawmawm ka ti a, chu chu kan sawi hmasa duh a.

Tin, kan Education kalphung hrim hrim hi kan tih dan pangngaia Conventional Education leh a degree ang hi chu kan mamawh zel tho nain tunlai atan kan mamawh phuhruk tur chuanin a tangkai tawh tawhlo tih pawh kan hretheuh va, chumi atan kan mamawh min phuhruk tur

nia a kan hriatna laiah hian in chaktaka hmalak anih pawh hi a lawmawm a. Chutih rual chuan a zirna hi hmun dangah tha viau mahselangin helai ah kan lo dawn sawn dan leh kan lo enkawl danah emaw, kan dah danah emaw, kan beisei ang thleng phalo hian a awm theih ang tih ka ring a. Chutiang anih hlauh erawh chuan a pawh viau in ka ring a. Chuvang chuan, chumi kawngah erawh chuan a tute pawhin, a Sorkar leh a mawhphurtu dang dang pawhin fimkhur taka he University hi a thatna tur ang taka a zik chhuah theih nana zirlai nu leh pa a dawritu te pawhin, he University-a va luh ve hrim hrim avanga hna hmuh puina mai tur anih loh tur hi hria a, thiamna tak tak puak chhuahna tham tufa University hi a thanchhuah ngei theihna tur atan ngaihtuahna tha tak kan hmanho a tha in ka hria a.

Tin, chu lo ah, a dan kha chawhna lamah khanin kan member senior leh kan group leader ten an han sawi chhuah tawh kha han tuihnih ve ka'n duh chu - Section 8 na ah khanin, a State chung ami te tan special provision siam theih a ni ang, admission chungchang atanah tih kha dah a ni a.

Amaherawhchu, Section 9-na a 2<sup>nd</sup> proviso ah khanin kha kha Section 8 (a) vawthlu thei provision a lo awm ta a. Kha khan a hma ami kha a rawn vawthlu ta der mai a, chuvang chuan helai hi a ziak hi tihsual palh nge ni a, helai a chung a Section 8 (Q) ami hi hre reng chung a, khi mi khi vuakthlakna tur atana dah luih tih te pawh kha ka ngaihtuahna ah chuan a awm mai mai a. Amaherawhchu, helai tak mai hi paih hlawk mah ila, a chung a Section 8-na Q-na khanin special provision siam theihna tur chu Mizoram zirlaite tan khanin a hauh sak tawh avangin hei hi chu a tul lem lo mange.

Tin, a awm dawn anih chuan a awm dan hi chu a thalo hrim hrim mai a. A chung ami a vuakthlak avang hian. A saptawngah hian kan han hriat ve dan hianin a dik lo deuh chu a ni lo turah kan nga a. To require tih ai chuan To bar the University from making special provision for admission to students of the State ti ta sela. A require ai chuan bar tih awm zawk tak a ni a, a chung ami nena tangruala an tum tur chu khalai kha kan Minister pawhin lo enchiangin a dan lam atang te pawhin, a dinhmun kha kan tihfel loh chuan, a chhak ah provision kan nei alawm kan ti a, a thlangah kan in vawthla leh mai si a. Chuvang chuan hei hi kan awmtir dawn anih chuan, provided that nothing in this section shall be deemed to bar the University from making special provision for admission to students of the state tih kha require aiah khan bar dah ta ila chu a chung ami nen khan an tangkawp anga. Save-guard kan nei dawn niin a lang a.

Tin, chu lo ah chuanin Section 26- na ah khanin Status leh Rules te siam tam tur anih leh, Statutes emaw Rules emaw hmanna tur kha a sawi thla thliah thliah a Act hi kan pass anga, University chuan Statutes a nei theuh a, tin, Rules a nei bawk anga. Heng Status leh Rules siam tur chu Board of Governors a ni tiin dan khan a sawi a.

Tin, chu pawh chu State Sorkar approval ngai turin a dah a, a tha viauin ka hria a. Tin, Section 29-na ah khanin Rule siam tur thu kha a rawn sawi leh a, Rule siam hmanna tur te kha a sawi thla thliah thliah a. Tah khanin, 'Rules now to make' ah khanin han en ila, Section 30-na ah khan a siamtu tur chu Board of Governor kha an ni a ti a.

Tin, Section 31-na ah khanin han lut thla leh ta ila, amend-ment thu a lo lang leh a, Acedemic Council khanin Board of management approval-in dan kha an siam danglam thei ang tih a lo ni ve leh ta. Khami ah khan tihsual palh emaw ni dawn aw, ka ti a. Academic Council responsibility kha kan dan ah khanin an thawh tur te nen pawh a tilang thliah thliah a. Chuvangin khalai a kha Academic Council, a dan tih danglam theihna thuneihna an han nei nghal ngawt mai kha a dan (Rules) siam theihna thu ah ni si lo tul an tih a tih danglam thei an ni dawn tlat mai, kha thil kalhmang pangngai chu a ni lova. A dan rules siamtu nilo, Board of Management tih kha chhut sual palh ngemaw anih a, dah sual palh nge ni a, chuvangin kha kha siam fel deuh lova han pass mai pawh kha, a remio mange, kan Minister khanin a hrihfiahna tha tak te a nei turah ngai ila, engpawhnise khang thil inkawkalh lai erawhchu siamthat a tha in ka hria a. Chutiang chuan khang thil te kha siam fel/siam rem anih loh chuan a Principle leh a thu kal hmang a inkalh a ni.

He University lo awm tura hi nghah pawh kan nghak hlel a, tin, kan hriat anga, tha zel tur leh information kan hmuh chin ang hi diktawk tura kan ngaih avangin lawm takin vawin ni ah hian, keimah mimal pawhin he Dan hi pass tha ka ti a, amaherawhchu, khang lai thil engemaw -technical fello deuh erawhchu, kan hriatthiam phak ang chen ah chuan siam fel that ngei tul hle-in ka hria a, ka'n dinpui ani, Ka lawm e.

**PU LALRINLIANA SAILO**

: Pu Speaker, ka lawm e. Kan ELL sawiho chung changah hian ka sawi duh kha pMember zahawm tak takten kan Minister in a uluk hle

mai a. Member te pawh min rawn sa a.

2:00 P.M

S P E A K E R

ICFAI bill kan chai mek a, a move tu Minister bakah mi panga mangin an sawi tawh a. Helam kilah hian phar an awm in ka hria a,

kan chhunzawm leh dawn a Pu H. Liansailova i lo sawm ang.

PU H. LIANSILOVA

Pu Speaker, ka lawm e. Ka bill ICFAI Bill, 2006 kan sawihoah hian chawhma lam khan kan member Senior zahawmtak tak ten hemi

chungchanga han sawi awm tak tak kha an han sawi tawh nain han sawi vel leh ka duh a. Pakhatna-ah chuan in ICFAI Univeristy din turah hian kan sorkar pawhin finkhur takin hma ala niin ka hria a. Hriattur pawimawh leh tulte an hriat hnu-ah opposition MLA te pawh mi an rawn a. Tin, Information an neih theih ang ang min pek leh kan Expert Committee ten an lo zir tawh na te leh an report tepawh ziakin min pe a, chung kan hmuh leh kan han sawiho atang te. Tin, hetiang zirna hi kan tunlai mamawh leh a bikin kan ram atanah phei chuan thil thar kan mamawh tak mai ni a kan hriat avangin kan hotute pawhin an phurpui viau va, kan hriat theih chin tawh hi rin tlaka ngaiin kan Minister pawh kan inkawmkhawm ni ah pawh tih ran a va tha ve, State dangin min lo tih khalh leh hman tur te a nih phei chuan in ti hial khan kan hotuten an phurpui thu pawh sawi niin ka hria a. Keima mimal pawhin he thil hi lawmawm ka ti a, chu chu kan sawi hmasa duh a.

Tin, kan education kal phung hrim hrim hi kan tihdan pangngaia conventional education leh a degree ang hi chu kan mamawh zel tho nain tunlai atan kan mamawh phuhruk tur chuan in a tangkai tawh tawhlo tih pawh kan hre theuh va, chumi atan kan mamawh min phuhruk tur ni a kan hriatna laiah hian in chak taka humalak anih pawh hi a lawmawm a. Chutih rual chuan a zirna hi hmun dangah tha viau mahselangin heilalah kan lo dawisawn dan leh kan lo enkawl danah emaw, kan dah danah emaw, kan beisei ang thleng pha lo hian a awm theih ang tih ka ring a. Chutiang anih hlauh erawh chuan a pawh viau in ka ring a. Chuvang chuan, chumi kawngah erawh chuan a u te pawhin, a sorkar leh a mawhphurtu dang dang pawhin finkhur taka he University hi a thatna tur ang taka a zik chhuah theih nan zir lai nu leh pa a jawrtu te pawhin kan University-a luh ve hrim hrim avanga hna hmuh puina mai tar anih loh tur hi hria a, thiamna tak tak puak chhuahna tham tura University hi a thanchhuah ngei theihna tur atan ngaihtuahna tha tak kan hmanho a tha in ka hria a.

Tin, chulo-ah a dan kha chawhma laraah khanin kan member senior leh kan Group Leader ten an han sawi chhuah tawh kha han tuihni ve kan duh chu - Section 8-na question ah khanin, state chung ang te tan special provision siam theih a ni ang, admission chungchang a tanah tik kha dah a ni a. Amaherawhchu, section 9-na & 2<sup>nd</sup> provision ah khanin kha tna section 8 (q) vawthlu thei provision a lo awm ta a. Kha khan a hma ami kha a rawn vawthlu ta der mai a. Chuvang chuan, helai hi a zik hi tihsual palh nge ni a, helai a chung a section 8 (q) ami hi hre reng chung a khi mi khi vuak

...218/-

thlakna tur atana dah luh tih te pawh kha ka ngaihtuahna ah chuan a awm mai mai a. Amaherawhchu, helai tak mai hi paih hlawk mahila, a chunga section 8-na question na khanin special provision siam theihna tur chu Mizoram zirilaite tan khanin a hauh sak tawh avangin hei hi chu a tul lem lo mang e.

Tin, a awm dawn anih chuan a awm dan hi chu a tha lo hrim hrim mai a. A chunga mi a vuakthlak avang hian, a saptawngah hian kan han hriat ve dan hianin a diklo deuh chu a ni lo turah kan ngai a. To require tih ai chuan to bar the University from making special provision for admission to students of the state ti ta sela. A require ai chuan bar tih awm zawk tak a ni a, a chunga ani nen a tangruala an tum tur chu khalai kha kan Minister pawhin lo enchiangin a dan lam atang te pawhin a dinhmun kha kan tihfel loh chuan a chhakah provision kan nei alawm kan ti a, a thlangah kan in vawthla leh mai si a. Chuvang chuan, hei hi kan awmtir dawn anih chuan provided that nothing in this section shall be deemed to bar the University from making special provision for admission to students of the state tih kha require aiah khan bar dah ta ila chu a chunga mi nen khan an tangkawp ang a. Save guard kan nei dawn niin a lang a.

Tin, chuloah chuan Section 26-na ah khanin status leh Rules te siam tam tur anih leh, statutes emawm Rules emaw hmanna tur kha a sawi thla thliah thliah a Act hi kan pass ang a, University chuan statutes a nei theuh a. Tin, Rules a nei bawk ang a, heng status leh Rules siam tur chu Board of Governor's a ni tiin dan khan a sawi a.

Tin, chu pawh chu state sorkar approval ngai turin a dah a, a tha viauin kha hria a. Tin, Section 29-na ah khanin Rules siam tur thu kha arawn sawi leh a, Rules siam hmanna tur te kha a sawi thla thliah thliah a, tah khanin Rules now to make ha khanin han en ila. Section 30-na ah khan a siamtu tur chu Board of Governor kha an ni a ti a. Tin, Section 31-na ah khanin han lut thla leh ta ila amendment thu a lo lang leh a, Academic council khanin Boarad of Management Approval-in dan kha an siam danglam thei ang tih a lo ni ve leh ta a, khami ah khan tihsual palh emaw ni dawn aw ka ti a. Academic Council responsibility kha kan danah khanin an thawh turte nen pawh a tilang thliah thliah a. Chuvangin, khalaiah khan Academic Council a dan tih danglam theihna thuneihna an han nei nghal ngawt mai kha a dan (Rules) siam theihna thu-ah ni si lo, tul an tiha tidanglam thei an ni dawn flat mai, kha kha thil kalhmang pangngai chu a ni lova. A dan (Rules) siamtu ni lo, Board of Management tih kha chhut sual palh nge maw a nih a, dah sual palh nge ni a, chuvangin, kha kha siam fel deuh lova han pass mai pawh kha a remlo mang e, kan Minister khanin a hrihfiakna tha tak te a nei turah ngai ila, engpawhnise thang thil inkawkalh lai erawhchu siamthat a tha in ka hria a. Chutiang chuan khan tih te kha siam fel/siam rem anih loh chuan a principle leh a thu kal hmang a inkalh a ni. He University lo awm tura hi nghah pawh kan nghak hlal a.

Tin, kan hriat ang a tha zel tur leh information kan hmuh chin ang hi dik tawk tura kan ngaih avangin lawm takin vawiin ni ah hian, keima mimal pawhin he dan hi pass tha ka ti a,

PU LALRINLIANA SAILO

Pu Speaker, ka lawm e. Kan Bill sawiho chungchangah hian ka sawi duh kha Member zahawm tak tak ten kan Minister in a uluk hle mai

a. Member te pawh min rawn sa a. A lawmawm hle ani. Kan Education Minister Dr. Thangte'an a sawi a, nichin khan, tlema tih ngailoh deuh pawh nise, a tha rihna ka nei a. ka eitur a lo awm, kan hmin loh deuhna rawn sawifiah a. A chhan chu hei, Politics rimnam a kan han awm ve atangin i dinglam amite influence lek lekin kan awm thin a, zirlai kan nih lain kan MP zahawmtak, Pu Hminga te nena inkawp thin kan ni a. Chuvangin, kan Mizo hle ani. Tunah University lo piang tur anga lang a hi a tha kan tih rualin khung ang mi thiam zawk vek phai atanga ngaihtuahna nei te a sum leh pai Mizoram State-a hmang si lova, an rawn Introduce tumnaah hian thil felhlel deuh, nakina Zoram leh thangthar zel tana hnawp leh fello awm, a in phum ve ang tih kha kan hiau deuh a. Chuvangin, ka rilru pawh a tang rei viau va. Kan Minister ina Copy leh lehkhate min pekah khan kan han irawn hlawma. Lehlamah chuan a chhia ang tih ngawp theih a ni law. Mahse, fimkhur ngai a ka hriat chu Mizoramah hian thil thar, hmanni lawkah State kan ni a, thil thar kan Introduce nuala. Chungah chuan, a tira thil a rawn tih ang leh an rawn zawrh dan ang ni lo fo-ah hian kan buai thin a. 1983/1984 chhoah khan Satna Syndicate Bank hoin helaia an rawn tih pawh khan kan thian hovin kan kal ve a. Kan han dawr a.

Mahse, an thusawiah khan him lo awmin kan hria a, kan ti ngam ve ta lova. a him lo ta reng a. Hei, tuna kan Bill sawiho mek leh a rawn buaipui tutena lehkhate an han chhuah a. Tin, 'Proposal submitted for the Establishment of the ICFAI University in the state of Mizoram' tih buah hian ka rilrua awm a lo awm lehngal a. heng kan Pass tur bakah a taka lo hman tura chhawp leh an zuk submit ah khan objectives ah hian 'to provide Mizoram with high quality specialized education which can relocate and Generate a large number of 21<sup>st</sup> century jobs the state of Mizoram which are coming up now pertain to the service sector in which ICFAI specialized,' a tia ni. A thu a that ang khan hetah hian a rawn zawrh naah chuan a tha hle mai. Thalai tante leh kan thangthar zel tan pawha kawng inhawng tha tak tur ang anih rual hian anilo thei ang em? Amaherawhchu kan Education Minister zahawmtak khan a rawn sawi a, kan hriat na ah a him tawh lo, Central lamah pawh UCG in a lo recognised reng em tihte hi thuleng atam a.

Tin, tahpawh hian a rawn ti chiah a, Andra Pradesh- ah khuanin Society 1350 ACT. hnuaiah registered alo ni deuh hlek fang bawh a. Khalaiyah khan fimkhur hle a ngaiin ka hria. Awle, chu pawh chu nisela Pu Speaker, lo form ta pawh ni ila, nichina kan hma a mite sawi ang

khan Board of Governor tihte, Board of management tihte, Academic Council te, finance Committee te, tah hian Son of the soil hi a tam thei ang bera inhnawh luh dan, a dan tlema han sawi tir deuh hlek a tihdante a awm angem? ka ti a.

Tin, kan hlauh leh chu a venthawna lampang zawkin, Mizoram University kan nei a, ka hriatsual loh chuan khata rawn fatu hmasa te khan an hna-ah entirman Grade-IV anni emaw, appointment han tih chungchangah, ram te nena thlengte kha atam em em in ka lo hria a, hredik maw! chutianga anih tur ang nilova thil engemaw induhsakna ang chi leh tlema felfai lo deuh hleka kan kal te pawh chu kan hlau deuh hlek a, chumi thu chu chapter-III leh IV khan a rawn sawi a ni a.

Tin, Scholarship te kan Sorkar hian a pe thei nghal ang em? Tin, nakinah doctorate degree te lo tichho nghal dawn se fellowship angte hi engangin nge a in hawn zau dawn? Khang khan chu hunlo kulturah te pawh dah dawn ta ila. Tiang chuanin tlema fimkhur tha kan tih leh na chu, hei anih leh ram te hi khawiah nge kan tih dawn a, chutiang University puitling a lo nih chuan hmun tha remtha te alo ngai dawn a, tui leh Playground te, engkim mai remna hmun alo ni dawn a, chungah chuan mimal interest deuh hlek a kal te pawh hi a hlauhawm hle in ka hria a. Chung chuan anih tur anga thil tha a phawk chhuak dawn anih chuan anih tur anih phak loh kha a hlauhawm hle in ka hria. Chuvangin a bul tan hi, hei Member zahawmtak leh ruling lam pawhin pass pui mai tura min duh ang khan, keini pawn kan sawisel ani lova, amaherawhchu fimkhur thuhla ah kan han sawi ani a, heng ang a body, a authority-ah hian uluk taka finance ani emaw, register-ani emaw uluktaka mihring thiana incharge lo deuh hlek awm lova, a University lo piang tura chu thangduang taka a rawn awm reng nan kan rilru-ah awm se ka ti tak meuh meuh a ni. A that leh thatloh tur tunah hian ka sawithiam lova, tha tur anga mipuitling kan Minister zahawmtakin a rawn tih avang hian ka sawithiam lova, tha tur anga mipuitling kan Minister zahawmtakin a rawn tih avang hian tha turah kan ngai a. Amaherawhchu, fimkhur thu hla ah chulai chu ka rawn dipui ve ani. University tunah kan Pass dawn a ni a, University tha rak, duhawmtak leh chhenfakawm tak anih ngei pawh kan duh a, amaherawhchu chumi tur chuan sorkar-in rilru uluktaka a hman leh zual kha ka duh e, tiin ka rawn sawi ve a ni e. Ka lawm e.

S P E A K E R

: Tang et awt kan tamlo viau mai a, a tha kan ti tlang viau mai a, kan Opposition Leader leh kan House Leader te pawhin sawi duh an neih chu ka ring a. Kan duhtawh hnai dawn tawh amiang? Pu Sailothanga Sailo sawm leh phawt ila.



PU SAILOTHANGA SAILO

Pu Speaker, ka lawm e. Ka in-thlahrung viau thin a, he House zahawm takah hian, hnuhma ka la neih tlem em avang hian, hun chep tak karah han inrawlh ve pawh hi tul ti mah ila, a hrehawm chin a thil ka'n sawi ve duh chu, a hmasa berah, hei Mizoram University pahnih kan nei a. Mizoram University leh Central Agriculture University kan neih hi kan dipdal lo em em mai lai hi tunah hei ICFAI University pawh hi lo din leh ta ni ila, a tha zawngin, kan hriat theih chin chin, kan hriatpui tur ah ka ngaia. A bikin Central Agriculture University khilai a awm khi House ah pawh sawi rik ka la hre ngazi lova, member-te pawh hian zawhna te pawh hi khalam hawi a zawh leh engemawhi a awm lo hrim hrim mai a. Mahni ram chhunga awm si, hemi Aizawl Khawpui chhung ngeia awm ni si engatinge kan va bengchheng lo em tih hi ka lo ngaihtuah ve reng thin a. Chuti lutukin kan Mizoram University te pawh hi ram dang chu ni selangin tunlaiah hna te a harsat tehlu nen, Peon pakhat han la tur pawh mi a Sangtel kan interview leh kan inchuh lai nisi a.

He University ah chuanin nasa zawkin tan la teh ang tih kha Pu Speaker, kan sawi hmasa duh a. He thil hi a lawmawm hle a. He ICFAI University Bill Mizoram 2006 a pass thei tura kan awm ta hi a lawmawm ka ti a, ka hma amite'n an sawi tawh ang khanin admission chungchangah funkhur angai hle anga. Tin, hetah hianin nidanga kan la hmuh tak ngailo kan lo awi ve em em si, Technology-ah zirna lamte leh a Business Management zirna te kan lo nei dawn ani a. Tichuan, technical University kan lo nei ve reng dawn tawh alo ni a, a ropui hle in ka hria a. He University hi a landan chuan University naupang te a tak tak ramah lo chang pheii sela, Kum 2002 Kum emaw atang chauha rawn din emaw tihte pawn kan lo hria a.

Tin, hei PHD thleng te'n zir chho theih niin, a hmunah kal thei manglo inehhung lum atanga zir duh tan pawh, The Professional distance on Land programme tihte pawh hi an puang tel dawn ni awm a, a ropui hle a, tin, chubakah M.B.B.S. zirna mai bakah hianin Medical Group chi hrang hrang kan han tih hei BDS te, Form te leh BSC(Nursing) te pawh hi hawnbelh dawn niawm tak a ni a, a ropui hle a.

Tin, Agency India ram leh Khaw vel zau zawk ah te pawn thurualpui a number ang zawng pawn han sawi ila 200 dawnlai an lo nei a. A engte vang pawh ani ang chule University-a business Management leh thil dang han zirzo te in hna an lo hmuh awlsam phahte pawh hi nite'n a lang a phurawm hlein ka hria a. Tichuan, Pu Speaker, kan sawileh duh chu hei tunalai Khawvelah kan thalai lehkhathiam te thiamlo te tan pawh ani zel tho anga sorkar in theihtawp a chhuah pawn in hnathawh tur an siam hleih theihloh na chin a awm a. Sorkar-in kan thalaite hmakhua hun lokal zel turah hengho tan hianin hetiang thil hi ti ang u, tiin sorkar-in ngaihtuahna han hmang thin mah selangin kan sorkar thil tihtheihna chin te a lo theihloh chin a lo nei a, tha tak han duh mah selangin, lohtheihloh chin a lo neihna laiah tunlai khawvelah lehkhathiam tam tak aiin Mizoram ngei chungah pawh kan lo awm ta a. Sorkar-in kan buaipui lai leh kan rilru a lo hahpui em em laiin he ICFAI-University lo awm tur hi kei mimal takin lawmawm ka ti tak zet zet a.

He kan ICFAI University kaltlang hianin kan thalai lo zirchho turte Industry-ah leh Company lian zawkah te pawh hna an hmuchho thei dawn niin ka lo hria a, lawmawm hlein ka hria a. Chumai bakah Foreign-ah hialte pawh ti hianin kan thalaite'n hna an hmuhphah thei dawn ni awmin a langa ropui ka ti hle a. Hei, duhthusamah chuan keini ang rualin kan han hriat lar ve deuh IIM Bangalore kan tihte ang hi rilru chuan a hria a. Marawhchu, Pathianin kan chantawka lo dah rihah ngai ilangin lungawi thlak ka ti tho mai a, Engpawh nise pawimawh ber ta ni chu helai zirtur hianin a ilangpuiin nuaitum nuaili emaw a lo ngai dawn a lo ni a.

Kan economic dinhmun hi ti hi alo nih tak si ah chuan engtingge tihlaia kha a Mission chungchang ah khan ka rilru chu tlemin ngaihtuahna ka zu nei thui deuh a. Admission-ah zirnan iti the ang khami B.Tech. te emaw Business Management emaw te pawh kha lo zirchhuak turin nuai 4 nuai 5 sen a lo ngai ta ang sela, zir chak tak tak awm siin zir thei awm tak chung tante pawh chuan sorkar hian engngemaw tihdan a ngaihtuah sak thei angem tih kha sorkar ka zawt a ka ngen nghal ni bawk sela. Hei zep thu a cheng lova, matric an pass a pawl 11 te emaw pawl 12 emaw BA thleng pawh a ni ang Admit kan han tum thin a, Zokhaw lamah chuan kan harsa em em a ni. Rs.10 pawh nei lovin Admission Fee Rs.2000/3000/- sen a lo ngai thin si a, chumi atanga han thlir chuan he ICFAI University Admission leh a zirna chungchang ah ringawt pawh hian harsatna kan tawk ang tih ka ring a. Sorkar hian khawngaih takin khang te pawh kha an ngaihtuahna ah dah theise tih kha a zirtur te tan ka han ngenpui ni selangin.

Tin, Pu Speaker, a tawp ber atan chuan he ICFA University hi he kan Mizo thalaite tan khawvel kan dai darhna humanrua pawimawh ah hmang thei ilangin. Tichuan Business Management leh thildangah Technology hrang hrang ah te pawh sulsutu pawimawh tak leh min hruai harhtu ni thei turin he University hi ka duhsakna ka hlan pahin vawiin hian pass ngei nise tih kha ka sawi ve duh a ni e. Ka lawm e.

S P E A K E R

: Sawi tur dang kan awm tawh loh chuan kan House Leader sawi duh te a nei em? Chumi hmian Opposition Leader-in sawiduh a nei em?

P U L A L T H A N H A W L A

: Pu Speaker, hun remchang min siam sak takah chuan sawi ka lo tum vaklo na in. A hmasa in Minister Concerned hnenah hian lawmthu ka sawi duh a. Tan a lak dante, tin, Opposition te Confidence a min lak vangte ordinance leh eng ilo vela min hrut liam mai mai lova tih tak zeta a beih dan hi a lawmawm ka ti a. entawn tlak hlein ka hria a. Kei tehluh pawh hi a

hun remchang siam hmasak ah ka tel remchang lova, ka Ina min rawn pan mai pawh hniallo khawp in a hote nen an in puahchah a chutiang em chu tiin hun remchang ruatah ka tel ve a. Chuta an lo in puahchahna hrim hrim kha a lawmawm hlein ka hria a. Mithiam tak tak rualte a hmunah ngei zir turin an zuk tirin an rilru rinhlelhna awm zawng zawng te a zuk zawhfiah dante leh anmahni University Authority ten hemi ICFAI Headquarters Authority ten an lo hrihfiah dan assurance an lo pek dan zawng zawng te, a zirlai te an zirtir dan te, an chhuah hnua hna an zawm sak zel dan te.

Tin, thenkhat zirlai zir hleitheilo sum leh pai harsatna nei te, bank loan te tihsak a, chung bank loan an lak te chu an zir zawh hnua a rullh dan thleng a an ngaihtuahpui theih dan tur te leh an University a funding dan te, a khatiang zawng zawng te a hmu n a zuk zir ten min han hrihfiah kha chuan keini ang duang tan chuan zawhna han zawh zel dan pawh kan thiamlo khawpin min hrihfiah a ni, Chutiang chu a ni a. Chuvangin a Principle hrim hrim chuan hnialna tur awmin a lang lova. Tuna kan dipui tak zawk a chu Minister-ina a kalpui dan a kha a zahawm hle a. A tumdan te leh keini hote Confidence a min lak tur atan a, thahnem a ngaihia te kha lawmawm ka ti a. Minister zahawm tak hnenah hian lawmthu pawh kan sawi tel duh a.

Tin, University hrim hrim a hi khulajah Central University kan lo nei tawh a. Tunah hian eng anginngeng kan chhawr chhoh dawn tih hi kan la enchho mek a ni a. Tuna Vice Chancellor hnuaia an kalphungah khu chuan kan lawm tlanglo hle tih hi a chiangkawp mai a. Hna lak chungc hang ah te leh khulai a officer thenkhat khat ten eng engemaw anmahni hnuaia hna hrang hrang te tualchhung tu tu tenen emaw an inremisiam az ram nena inthleng dan ilo velah te leh fund an neih ang ang an kalpui danah te an management hrim hrim leh administration hrim hrim kha Vice Chancellor kan neihlai hnuaiah kha chuan a lawmawm loh hle a ni.

Tunah hian keimahni Mizo ngeiin an kaihhruai takah hian enge a an zel ang kan hrelowa. Tin, tunah hian Vice Chancellor thar te pawh an nei dawn a ni a. Hengah pawh hian keini chuan Mizo ngei ni tawh se tih kan duh a. Kan sorkar pawh hian chutiang zawng chuan tan la ngeise kan duh a ni chung kan sawi duat duat nachhan chu khatiang kha kan lo experience, kan lo tlumtea thlir taka kan lo thlirah khan kan experience anih avangin tun tum a mi tur pawh hi Private University anihna ang hian Private deuha helaiah kan sorkar te leh a tuipuitu kan Minister te thleng hian thil an ti leh thei a. Chutiang kawngah chuan men deuh kar a tulin ka ring a. hemi Act leh khatiang a dan hrim hrimah chuan nichin ah khan tlem doubt awm te an rawn point out tawh a.

Chuvangin sawivak tur ka hre lova, tunah hian kan lo hriat danah chuan a zuk buaipuitute zinga mi pawh khan an chhung leh khat leh engemaw thisen zawmpuite pawh a pawimawh deuh deuh tur ang leh engemaw a theih ang ang kha chuan an indahkim leh tawh e tihte hi kan lo hriat dan a ni a, a dinhma hauh pawh hian. Chungte angte chu Minister pawh hian a en a ngaiin ka ringa, dawt muhlum a nih ka ring lova, thil awm

deuh a nite pawhin a lang a. Khatiang thleng khan a pian hma atang hian ngaihtuah tur a awmin a lang a. Chuvangin a that dan ang te, kan inzirtir ang te leh min hrilhfiah angte kha thleng ngeise kan duh a, kan thalaite tan, zirlaite tan.

Tin, helaia subject hrang hrang an rawn tarlante pawh hi a tha hle a, tunlaih chuan Job oriented deuh hi kan mamawh ber a ni a. Hei IIM te pawh kan thalaite an han lut ve a, a that zia kan hmuchhuak chho zel a, hetiang zawng hian hemite hi an kal dawn a ni tihte kan han hriat hnuah kha chuan a tlangpuiin kan Minister tan lak dan te a lo tha bawh a, keini lampang pawh hian, engpawhnise enchhin phawt hi chu a sual lo a nih hi mawle kan ti ta ani.

Tin, kan sawrkar hian engangin nge finance lamah a phut ve kan hrelowa helaia Financial Memorandum-ah hi chuan eng titham mah a awmlo niin a lang a, hei a Conclude-na ah pawh hian there is therefore no financial involment from the state.....tih a ni a. Chuvangin a tlangpuiin min lo kaihhruai tawhna leh min lo thirpui tawhna atang chuan a ibi kan ti a ni. Amaherawhchu kan sawi tawh ang khan leh nichinah kan ngaihtlak tawh ang khan Financial Institution thenkhat khatte an lo kal tawh a kan ramah hian mi tam tak an rawn buma, tiangkhan a zuihral leh mai a, Criminal case-te pawh kan la dawn selangin tih hleih theih loh khawpin vawiinah hian a awm a, mi tam takin sum a nuaitel an seng ani.

He University-pawh hi hetiang zawnga awm thei zawng zawngah hian kan sawrkar hian daikhalh dan a ngaihtuah a, fel taka a kalpui phawt chuan min hrilh tawh ang chinah kha chuan a thalo e han tihna tur a awm lova, a tha tlangpui a ni. Amaherawhchu kan han duh chauha chu kan lo experience tawh thenkhatah khulam atanga lo kal Financial Institution, chutah khatah kan in affiliate a, chutiang khatiangin recognised kan ni e, tite hian Mizo fate min bum tam tawh em avangin he University tuna kan ngaihtuah meka pawh hi a bill kan ngaihtuah meka pawh hi chutiang zawng chuan, a pian hma atang pawhin sawiselna deuh te a lo awm tawh a.

Tin, kan lo hriat zel dan chuan khulaia zuk kal kan mithiamte zinga mi pawh kha an phun loh phah leh deuh a ni awm mange aw, tihte kan lo hria a, chung zawng zawng chu kan sawrkar hian dai khalh a, kal turin tunah pawh hian fimkhur turin ka han hrilh duh ani.

A tlangpui thu ah Pu Speaker, a bill ah emaw a kalphung thil dangah kan la hriat ngailoh thil ani a, min hriattir chin bak kha chu hriat kan nei lova. VAT kan in hrilhfiah a, vawiinni a kan in hrilhfiah leh kan in zirtir ang hi ani leh ta miah lo hi a ang ang tih te hi a hlauhawm a. MIP te pawh guidelines tha tak a awma mahse a mipuite ai chuan a buaipui tute an thau ta zawk a. khatiang chi kha nilo turin kan duh a. Chuti tih loh ah chuan a kal te leh kan Minister ten min hrilhfiah chin ah kha chuan keini tan pawh han hnialna tur a awmlo ani tih hi House ah kan sawi duh ani. Ka lawm e.

S P E A K E R

: House Leader i lo sawm ve ang u.

PU ZORAMTHANG  
CHIEF MINISTER

: Pu Speaker, tawikim engngemaw  
han sawi lawk ka duh a. Thildang  
hrilhfiahna dang a kha chu a

Minister ten rawn sawi tur ah kan  
ngai a. Hei kan ICFAI -University Bill 2006 hi a rawn pianchbuhahna tur hian  
mahni awmhmun theuhah theihtawpin tan kan la tlang a, a lawmawm hle a. A  
chanchin kan hriat atangin a hmuna zuk zirchiang turin kan mithiam rualte hian  
anni pawhin theihtawpin tan an la a tichuan an rawn in hring chhuak chho tana.  
Kan hmanhmawh em avangin engpawh nisela ordinance nen i kal phawt ang kan  
ti a kan han kal a. A rawn ngai kan opposition lam ami te pawh kan han in  
rawn kual a. Amaherawhchu, Supreme Court lam atangin eng engemaw fimkhur  
tura State tin te University din chungchang thuah hma lo laktur leh tihur te  
lekhka kan hmuh avangin kan han enchiang leh zual a.

Tichuan Law atangte leh expert te atangin  
ngun taka kan enin hetiang anga thlen hi chuan Law lampang pawh, Court  
lampang Court pawh khawih lovin tuang takin kal thei turah kan ngai e ti te hian  
an rawn chhawp chhuak a, chumi atang chuan tuna kan Bill hi kan han nei ta a.  
vawinah kan ngaihtlak tawh ang khan a Minister pawh in theih tawp chhuah in  
a rawn tur ngai lai lai ni a hriatte rawnin tiangin a rawn piang chhuak chho ta ani  
a. A lawmawm hle a, Mizoram ina Job oriented education kan neih theihna tur  
atana heng University bill thar kan han nei te hi rahbi thar pawimawh tak state  
dang te leh changkang zawk te ah kan dak chhuak ve tan dawn ta ani e, tih  
entuna a ni in a lawmawm hle in ka hria.

Tin, kan member zawng zawng ten a  
tlangpui a tha tlang kan ti a. Amaherawhchu a technical thil erawhchu kan hriat  
chian loh han hrilhfiah ngaita. Tin, tuna kan han sawi kher loh pawh khawilai  
emaw chuan heti hi ni zawk se tih lai turte pawh a lo awm mai thei a. Khang  
kha chu 100% Bill vawikhat Dan vawi khat pass-na ah hi chuan a tha famkim lo  
palth leh mistake a awm palth a nih pawhin a dawt leh ah te pawh practical-a kan  
han hman a kan amend leh turah ngai ila. Nichina kan han sawite pawh kha la  
rawn hrilhfiah turah ngai ila. A bik takin sec. 9 na kha University -te mitin te  
irrespective of class, caste, creed, religion, language, gender, engmah thliar hranna  
awm lo anga. I shall be open to all persons tih a ni.

Heihian University kha special provision-  
in admission a siamna kha a mamawh kher a ni tihna a ni chuang lovang tih hi ni  
a tawng hi hriatthiam a har khawp mai a, a negative a tihna a hma lam amite  
Mizoram tan pawha a bika siam tih theihna a awm ang tih kha a chawk chhia  
tina a ni mai lo maw tih zawng pawh khan a zuk ngaihtuah theih khawp mai  
a. Amaherawhchu hei hi a ni section 9 tana ding bik a nih avangin a chung lama  
Mizoram tana a tih kha chu a chawk chhe lo a ni tih chu a zuk hriat theih a.  
Mahse Minister ten min rawn hrilh chiang ang a. Heng te hi chuan

mitinte kan intluk tlang a. Chuvangin mitinte tan khan special provision admission atan hian siam a ngai a, a require nana zuk chhiar tur a nilove tihna chu niawm takah chuan kan ngai ve ngawt a. Amaherawhchu dan mite kan nih loh avangin a tawngkam inkal thelh dan hi chu ka zuk hrethiam chiah lova. Churni turah chuan ka chhiar pawh khan ka lo ngai ve mai a. Pu Speaker, thil pakhat erawhchu ka zuk chhiar chu kan hotute pawhin kan notice nual mai thei a. A bul tan nan hian Institute of Chartered Financial Analysts of India University (Mizoram) Bill, 2006 tih a kha chu a la fel mai a, mahse, a chhungah hian kan la pass loh avang hian bill tih ngawt hian an rawn ziak a. Hei erawh hi chu a chhunga thu takah hi chuan Act tih khan kan kalpui thin kha a ni a. Kha phei kha chu kan siamtute an hawihhawm lutuk a. A la mistake palh pawh a ni mai thei a. Bill kha kan pass hnua Act tih tur a nih avangin la pass chiah loh avanga an la rawn ti bill vek mai nge ni? Kha kha erawh chu nangma chair atanga min rawn enpui deuh pawh kan ngai mai thei a. Bill kha kan pass hnua Act nisa tur kha kan la pass chiah silova bill a la ni alawm ti zawnga ngaih theih tura a chhututen an ngaih vanga rawn tite pawh a ni thei a. Engpawhnisela kan member zahawm tak ten a tlangpui thuin kan ngaihtuahate a innil tlang hle a. Kan thalaiten hna an hmuh theihna turin education pawh kan zuk siam kan oriented theihna tur atan he kan University bill thar kan neih ngai loh hi duan chhuah a ni a. Kan lungrual tlang hlein a lang a, a lawmawm ka ti a, chuvangin felfai famkim vek anih chiah loh pawhin a tul engin nakinah te kan la siamtha zel turah ngai ila, chuvangin vawiin a mi hi kan pass tlan theih chuan a lawmawm khawp ang tih kha kan sawi ve zawk a ni e. Pu Speaker, ka lawm e.

S P E A K E R

: Helai, ICFAI University bill hi kan sawiho tha viauin ka hria a, a lawmawm a, tunah member te sawi atanga sawifiah tul a tih te

han sawifiah pahin han khaikhawm turin a Minister hi lo sawm dawn ila. Bill leh Act tih a dah chungchang thuah kha chuan House hi chuan bill hi kan pass ang , Governor in accent a pek hunah khan khan Act a nia nga, tichuan a concern Department in a Gazette a an chhuah dawn hunah bill kha act tih wording a kha, act tih a an chhan kawp pawn thil pawiah ka ngai lova, kha kha a kal dan turah helai atang chuan kan ngai deuh hlek a ni. Dr. Lalzama i lo sawm ang.

Dr. LALZAMA  
MINISTER

: Pu Speaker, hei kan sawi viau ta a, eng eng emaw kan bill-ah hian kan hriatthiam loh lai deuh pawh a awm a ni a. A hmasa in khang

kha kan sawi ang a. Section - 9 kha nichinah khan member zahawm tak tak te Pu Liansailova leh Pu Andrew te Pu Khawpuithanga te khanin an rawn sawi kha. Kha kha han chhiar ngun ta ilangin, section-9 kha provided that nothing in this section tih a 'Section' a tih hi section-9 tho hi a ni a, chuvang chuan hetilai a

chunga section-8 (q) a to make special provision for students belonging to the state of Mizoram for admission in any course of the University a tih hi a han tihbuaina ni lovin, hemi in this section a tih hi a chung chiah No.9 a mi, University shall be open to all persons irrespective of class, caste, tribes, religious, languages and gender tih kha, hmeichhia leh mipa leh tawng leh sakhua avang te leh chi leh chi kan tih ang zawng avanga, admission a in special na kha a awm dawn lo ani tilna mai a ni, khami kha chu hemi section-9 na ami tho sawina a nia, chuvang chuan hetia kan thlir thuak kha chuanin a awm khawp a. Chuvang chuan khalai kha chhut ngunin a Chiang a ni. Hemi section a chung ami khan sakhua avang te a kan tih lai kha, a chung chiah line ami mai a ni e, chuvangin helaiah hian Mizo te tan buaina a awm love, tih kha han ni phawt sela.

Tin, pakhat lehah chuan, kan member te sawi section 28 Page 19 'The Board of Governors may with the prior approval of the State Government make new or additional Statutes' tih kha a awm a. Tin, section 31 ah khan State Government in a approve phawt a ngaih dawn avangin helai section 31 nen hian a inkalh em tih a kha, 31 na hi chu Rules a ni a. 28 hi a danpui (statute) kha a ni. A Rules a hi chu anmahni ho Officer te siam tur a ni a, helai Board of Management ah hian Mizoram sorkar aiawh pawh a tel dawn a ni a formation kha en ila.

PU LALDUHOMA

: Pu Speaker, kan man Chiang tawh lo deuhin ka hria. No. 27 kha chuan Statute siam dan a sawi ta a, No.28 in amendment a sawi a, kha kha rules ani lova, thil hrang ve ve a ni a. Statute awm pangngai kha an siam danglam dawn a, an siam danglam dawn a, an siam danglam hma in State Government in approval a pe dawn tlat a ni. An siam danglam dan tur hria hma a approval lo pek lawk kha a dik thei dawn em ni? An siam danglam phawt ang a, approve turin an rawn theh lut zawk tur a ni dawn lawm ni? No. 30 ah erawh hi chuan Rules siam dan a in zia k a, Board of Governor in Rules a siam ang a, sorkarah approval turin a theh lut mai dawn a. A hnuah amendment kha, a rules siamtu pawh nilo, a aia hniam zawk Academic Council khan, a aia la hniam leh zawk Board of Management phalna la in Rules kha a vai pawhin a repeal thei ang a, amendment pawh a siam thei ang tih ani thuai mai a ni. Khatah khan State sorkar hnen a Approval lak kha a awm ta lo reng reng a, khami hnuah khan an modify emaw an repeal emaw an amend emaw chu State sorkar hnenah approval turin an thawn leh ang tih te chu awm se a him a. Chutia anih loh chuan khalai kha chu a him chuan ka ringlo khawp mai.

SPEAKER

: Hetiang zawng hian kan ngai thei em aw? Hei Central University pahnih kan neih a chu kan tel miah lova, anmahni in an ti tawp

tawp a, tun ami hi chu State Assembly in a Act hi kan pass tur a ni a, Statute leh Rules a kha chu a hnuai amin an siam dawn a. Kan kalphung hrim hrimah hian Assembly in Act a passed na hnuai Rules reng reng hi chu House-ah lay tur a ni a. Chuvangin ka ngaihtuahna dan chuan ICFAI University pawh lo din sela Board of Management ani emaw Academic Council an ni emaw khang reng rengin a dan an siam chu kan Act hnuai a siam anih avangin an rawn lay thin ang a, chu chu a awmdan tur chu niin ka ring. Khatia anih khan a tha thei mai em?

**Dr. LALZAMA  
MINISTER**

: Pu Speaker, kha kha hetah hian a inziak reng a, Section.....

**PU LIANSILOVA**

: Pu Speaker, ka rilruah chuan a la fiah lo deuhin ka hria. Rules 29-na khan Board of Governor-ah thuneihna a pe chauh a, a hmang-

tu tur chu Academic Council te kha anni ta a, an han hmang a. A Rules siamtu si lovin amendment leh repeal thleng a thuneihna zuk neih tak mai tur kha tih sual palh a ni ang em? Board of Management ni lo khan Board of Governor phalna in tih chu nise principle hrim hrimah rules making power nei lovin amendment siam theih tlak mai kha chu kan hriat ngai loh thil deuh a ni a, khat lai kha a zuk dah sual palh a ni mai em? Chuti nilova kalpui anih chuan nakinali harsatna awm thei tur anih chu ka ring.

**Dr. LALZAMA  
MINISTER**

: Pu Speaker, khalai kha nichina in sawi ang khan section 49 ah khan "Statute or Rule made under this Bill shall be laid, as soon as may

be after it is made, on the table of the Legislative Assembly" tih kha kan nei bawh a, he Assembly House ah hian chu chu lay tur a ni tih kha a awm a, lo chhinchhiah ta ila. Helaia tuna an rawn sawi kha hetia lo ngaih mai chuan Board of Management ah chuan Mizoram sorkar aiawhte an tel dawn avangin thil pawh turah kan ngai chiah lova, mahse kan lo tisual palh anih chuan hengte hi chu kan la ennawn thei turah ka ngai a, Academic Council may with the approval of the Board of Management han tihah hian Board of Management ah hian Mizoram sorkar aiawh an tel dawn, chutiang chu a ni a.



PU H. LIANSILOVA

: Pu Speaker, khalai kha a nia a Principle lai kan sawi chu nakin-ah thu in chuh harsa deuh awm thei chu, a dan siamna tura thunei lotu kha a hmangtu tur a ni dawn a, a hmangtu khan a hnuah a dan hman tur halo lai apiang a siamthat theih a, a repeal theih mai tur kha chu, a principle kha a dik lova, chuvang chuan, Board of Management nilo khan Board of Governor tih kha a dik zawk mai lovang maw? Tihsual palh, printing mistake ah a ngaih theih mai a ni lo maw, ka ti a ni.

Dr. LALZAMA

: Pu Speaker, Khalai kha chu kan lo en tha leh ang a, ....an chhut sual a ni mai thei Academic Council may with The approval of the Board of Governor.

PU LALDUHOMA

: Pu Speaker, kha kha chu ka sawi kha a ni tho va, kha ringawt kha a ni lova, Rules an siam khan State sorkar approve turin a tirah pawh an rawn thawn tur a ni a, a lo approve tur a ni a. Thla 2/3 chhunga a approve ang a ngaih tur tih kha chu a awm tho va, chumi hnuah kan approved tawh sa kha kan approved nawn leh ngai lova annin an duh duh, a thar pawh a an thlak thei anih chuan kan him ka ring lo Pu Speaker, khalai zawk kha a ni. Chuvangin, khalaiah khan zuk thlak thleng pawh ni ta ilangin Academic Council kha Board of Governor zuk ti ta ni ila a tha ang a, chu chu the Rules so altered or so amended or so repelled shall be submitted to the State Government for approval tih ni se. State sorkar hnenah approval atan an thawn ang a, chutiang hun chhungin approval a pe ang tih a tel loh chuan vawikhat chiah dan siam theihna mipui aiawhte hian kan nei ang a, a hnuah kumkhuain kan hnenah an thlen leh a ngai tawh dawn lo tihna a ni tlat, a tir a kan dan siam ang ni miah lovin a thar hlak pawhin an thlak thei ang a, chu chu an behchhan zel si ang a, a la pawl thui thei dawn a ni. Chuvangin hei hi kan la tlawmngai anih pawhin amendment tal kha kan tih vat loh chuan a that chu ka ring lo mang e aw.

PU ZORAMTHANGA  
HON'BLE CHIEF MINISTER

: Pu Speaker, a la din lain kha kha chu kan hotuten rawtna an rawn thlen bawk a, kan duh tlang a, mistake neih palh hi a sawi leh Pu Lalduhoma han sawi pawh kha helaia kan siam thei a nih chuan Academic Council may with the approval of the Board of Governors make new or additional rules or amend or

repeal the rule. Hetah khan subject to Rule 31-ah khan 'For which approved of which may within two months from the date of receipt of the Rule' tihah kha State Government in kan approve a ngaih avang khan subject to Rule 31 tihah khan khami in helai han subject khan a fe mai lawm ni, kan ti deuh a nih chu.

Dr. LALZAMA  
MINISTER

: Ni e, Pu Speaker, khatiang zawng kha a nia kan sawi tum kha. helai 30-na a chung ami kha, khamiah khan subject to the approval of the State Government tih emaw khalaiah khan chhut belh ta ila, Rules 31-ah khan, khatiang khan ti ta mai ila, a him mai awmin a lang. Tin, pakhat lehah chuan...

SPEAKER

: Ngawi rawh aw, a tha tiang kan zawng a ni a, a kheuhbeuh in kan kal hauh lova, Section 31-ah khan Board of Management tih hi a diklo deuh a ni, tih kha Board of Governors a thlak kha in rawn remti em ni?

Dr. LALZAMA  
MINISTER

: Pu Speaker, helai Section 30 (1) hi kan refer dawn tho chuan State Government approved kha a awm tho tho dawn a, chuvangin duh leh thlaklo pawhin a him tho tihna a ni. State Government approval a kan tih tho kha chuan Board of Management pawh ti ila a him tho tihna a nih chu.

SPEAKER

: Chumi anih chuan a dik tawh lovang. Subject to Rule 31 tih kha belh dawn ta ila a rem tut tawh lova, kan thlak dawn rau rau chuan helai management tih hi Board of Governors kan tih dawn chuan. Tichuan, a thar hnuhnung ber repeal the Rules tihah khan subject to rule 31 kan ti ang a, chu chu a inrem thlap ang a, a tum kha chu a hrang dawn ta a, management kha section 21-naah khan a hina tur chu chu la prescribe ani ang ti chauh a ni a, rules siam tur kha ani rih lova, la prescribe loh hrim hrim kha a ni a. Kha Governor tih a thlak hi chu a awm zawk chuan a lang.

PU LALRINLIANA SAILO

: Pu Speaker, helai te hi ka rilruah Khan a lo kher deuh anih pawhin Min lo hrethiam tho la, 20-na a Board of Governors ah hian Vice

Chancellor a ni a, three persons nominated by the sponsor a ni ta a, one representative of the State Government, tih leh Board of Management ah hian a duham theih deuh em ka ti a ni, hei hi keimahni State siam nge ni a. Khami ICFAI University siam nge ni, State dangah hian engtingge an tih, tin, one ringawt hian nakin hnuah hian tuna zirlaite kan sawm ve duh hrim hrim chu zirlaiten an hlauh chu vawiiinni a mi thil tha tak ta ngaihtuaktu te hi in hun a lo tawp ang a, hei hi land base ah te kan telh dawn em a hmun leh ram te chu. hlauhthawmna nei sela nichina ka sawi ang khan, ram zau tak hi an lei dawn nge, an kutah a awm hmak dawn nge land base zawngin kan ti dawn. Nakinah hian Hindu pathian Ram-Memorial Institution ah te a leh leh theih mai lo maw, tih te kha hlauhawm deuh a ni a, chu chu zirlaite sawi a ni ve tlai a nia.

(SPEAKER: A dik tho a, khalam kha chu a chhan theih theih han chhang sela.)

Dr. LALZAMA  
MINISTER

Pu Speaker, nichina kan sawi laia kha ka la sawi duh tawk lo deuh a, kan sawi leh ang a, section 47-na phok 25 ah khan kan inhung

that leh deuhna awm chu han en tlang leh lawk ila, phok 25 ah khan dissolution of University tih kha a awm a ni. On identification of mismanagement, mal-administration in discipline failure in the accomplishment of the objects of University and economic hardships in the management systems of University, the State Government would issue directions to the management system of University, a ti a ni. Tichuan if the directions are not followed within such time as may be prescribed, the right to take decision for winding up of the University would vest in the State Government, a ti leh ta a, nichina kan Speaker in a sawi ang khan, hei hi kan passed anih avangin a thuneihna tawp tak tak pawh hi he Assembly, Mizoram sorkar hian a nei dawn a ni. Tichuan 49 ah pawh khan, every rule made under this bill shal be laid, as soon as may be after it is made, on the table of the Legislative Assembly, tih kha kan nei bawk a, tin, chubakah chuan removal of difficulties, tihah pawh hian inrawlh theihna lian tak kan neih leh a, if any difficulty arises in giving effect to the provisions of this bill, the State Government may by a notification or order, make such provisions, not inconsistent with the provision of this bill, tiin hetiang lo deuh pawh hian lo kal palh ta ang sela, khatianga notification kan chhuah theihna a awm a, helaiah hian inrawlhna thuk tak kan nei thei dawn tihna a ni. Engpawhnisela, kan fimkhur hle a, nichina member zahawm tak tak te pawhin in han sawiah khan fimkhur a tha tihte in han sawi a ni a, keini pawh kan fimkhur a, theih tawpin bill chungchangah nichina kan sawi tawh ang khan kan uluk em em a, Guwahati lama kan senior Advocate te, Advocate General te pawhin min han enpui leh a ni a, kan khaw tlai phah hlek a ni a, duh ang pawhin kan hma hlei thei lova. Fimkhur tluk a awm lova. Bill hi kan pass chuan kan sawi tawh ang khan UGC ah recognition dil turin, "Hei le, State Assembly in a pass ta e" tiin kan zuk thlen ang a, anni khan khawimaw an establish ta em? tiin an en ang a, tichuan recognition a lo pe dawn a ni a. Chutianga chuan Uttaranchal State pawh hian chutianga recognition chu chiang takin an nei tawh a. Tripura pawhin an pass tawh a. An function tawh a, a recognition hi an dil mek miin ka hria a. An neih leh neih loh chiah ka la hre chiang lova. Tin, Meghalaya te, Sikkim ten an pass tawh

bawk. Chutiang chuan Himachal Pradesh te pawhin an ti vei mek a ni a. Keini pawhin kan hriat ang knan nikumah ordinance in lo din tawn tawh a, tunah hian BBA Course, Bachelor of Business Administration hi kan hawng tawh a, zirlai pawh 42 an ni. MA English te, M.Com te, MA (Economics) leh MCA te pakhat theuh thawkin pali an lo thawk mek a, helajah interview te an nei a. Kan hriat atan chutah Kolkatta-ah interview an zu nei nawn leh a, an uluk viau a, engnge ni an Standard ti te pawhin heng laia kan lecturer M.Com ho hi a kawm bawk a ni. Nikum kha chuan "nakumah hian B.Tech. leh MBA hawn kan tum ang" an ti a. Tiang chuan kumin session tharah hian hawng thei turah kan ngai a. Tin, chubakah kan sawi tawh ang khan a hmun tur pawh zau deuh tak an duh avangin tui awmna tha tawk an duh a, chungte pawh chu dap mek a ni a, kan han en tawh nual a, engemaw remchang tak hriate pawh kan awm chuan thu inrawn zel a thain kan ring a. Anmahni pawh lo kal thuai turah kan ngai a, a hmunte uluk taka thlan a ni dawn a, Mizoram sorkarin dan a neih hmangin Revenue Department in a hmun a in hman tir chungchangah chuan dan angin kalpui tur a ni a. Danah a awm vek kha, sawi tawh ang khan zirna chi hrang hrang hmun hrang hrangah tangka tam tak tak senga Mizoram zirlai ten kan zirna thin kha, Mizoram ngeiah hian han ti ve sela kan lmasawmna a ni ang tih kan beisei a ni. Tin, an quality hi a sang khawp mai a, tihsan an tum khawp a. All India level ngat lekkawh a, kalpui an tum a ni a, kan tu leh fate ho reng rengin an zir dawnin thiamna tak tak nei tura zir tur an ni tih kan hriahchian pawh a ngai hlein ka ring. Vawiin chu a kalloh theih mai lawm ni tia tih vel mai mai te, College naupang te hian class kal mang hlei lova exam leh ngawt ang chite kha a awm ve thei dawn lova. Quality sang tak, tha tak kha kan tum a ni. All India level ngat in, inthlah dul an tum chuang miah lo a ni, tih hi ka han sawi lang leh duh a.

Tichuan, a fee chungchangah hian kan sawi tawh angin a chanve in (a hniam thei angin) kan tih ang che u, an ti a, Tripura ah pawh an ti hniam a. Hmarchhak ho hi chu min lo ngaihnhathiam deuh a ni, helaia bill ah pawh khan weaker section tan chuan ngaihnhathiamna a awm deuh a ni. A fee han tihtlem chungchang hi an proposal ah pawh khan a awm vek kha. Chutiang chuan min kalpui an tum a. Theihtawpa Mizoram a kan Mizote tana rawn indin tum hi an ni a. Nichina member zahawm tak ten an sawi ang khan hetiang taka anmahni sum seng a, profit engmah nei silova rawn ti thei hi engtizia nge ni? Nakinah hian kan hnam tan hnawksak pawh an la ni ang e, tihte pawh kha - khatiang zawng zawng kha kan expert team te pawhin an zu zawt vek a, tim miah lovin. Engkim an sawi ho vek a, keini lam pawhin kan hlauthawng viau va. Mahse, anmahni kan han kawm hian chutiang chu niin a lang lova. An sum neih nachhan hi sap ram lama University te pawh hian an case studies an lei sak thin avangin an main source of income a ni a, an sum hnar ber a ni. Chutiang khawp chuan sum pawh an ngah a, a fee tlingkhawm ringawt nilo hian, chutiang chuan an main source of income kha chu hmun danga an hralh chhuah an lehkhabu siam chhuah te, an thuziak te, kha foreign hian an dawr nasa em em a ni.

An quality hi a sang tha hle anih thute kan sawi a, India ramah National papers ah te an notice leh advertisement kan

hmu thin a ni. Pu Speaker, House Leader in a sawi ang khan Chapter I ah khan "This Bill" ni lovin Act tih tur ni awm tak a ni a. 'The Institute of Chartered Financial Analysts of India University (Mizoram) Bill 2006' hi he House hian lungruala min pass pui turin ka rawn sawm e.

**S P E A K E R**

: Minizter zahawm takin ICFAI University chungchang sawi hona a rawn khaikhawm a, tin, member te ngaih mawh section 31-na

laia kha sianthat hret tha a ti a, House pawhin tha a ti a, kan dan 202 ang hian correction phalsak a ni.

Tunah hian bill hi kan dan sawi ang chiahin kan ti ngai lova dan in a ziah chiah hi chu clause by clause a vote a pass zel tur a ni a, mahse tih dan phung kan nei a, practised leh convention hi he House hian a vai hian kan sawi ho thin a ni. Minister in Bill pass a rawn dil hi section 3-51 na kha body of the Bill a ni a, hei hi pass remti apiangin remti ti rawh ule, Mizoram ICFAI University Bill 2006 body of the Bill section 3-50 chu House in lungrual takin a passed a ni.....naah Board of Management tih kha Board of Governor ti a thlak remtih a ni a. Tin, sentence puitling ni lovin kha a line tawpa khan subject chu section No. 30 tih tur a ni ang, tunah chuan section 1 short title leh section 2 definition te hi pass remti apiangin remti ti rawh u le, remtilo kan awm chuan remtilo ti rawh u le. Aw le, section 1 short title leh section 2 definition hi House in lungrual takin a passed a ni, hei hi bill a tel a ni.

Tunah chuan preamble leh enacting formula hi kan la leh a nga, preamble leh enacting formula hi pass remti apiangin remti ti rawh ule, remtilo kan awm chuan remtilo ti rawh u le. Aw le, House in preamble leh enacting formula lungrual takin a passed a ni. The Institute of Chartered Financial Analysts of India University (Mizoram) Bill, 2006 chu House in lungrual takin a passed a ni.

Aw le, vawiin atana kan business chu kan go go ta a, kan chawl rih a nga, naktuk 17<sup>th</sup> March, 06 zing dar 10:30 ah kan shukhawm leh dawn nia.

**Sitting is adjourned 1:10 P.M.**